



水經注箋



| | | | |
|------|----|---|---|
| 內閣文庫 | | | |
| 三九 | 九 | 漢 | |
| 函 | 一〇 | 書 | |
| 二〇 | 二 | | |
| 架 | 冊 | 號 | 類 |

九至十二

| | | | |
|------|----------|------|--|
| 內閣文庫 | | | |
| 番號 | 漢 | 9102 | |
| 冊數 | 10 (3) | | |
| 函號 | 291 | 75 | |



水經注箋卷第九

淺草文庫

漢 桑欽撰

後魏 酈道元 注

明 李長庚訂

孫汝澄

朱謀埠箋

李克家全校

清水 蕩水

沁水 淇水 洹水

清河出河內修武縣之北黑山

黑山在縣地

謝云宋本地作此一作境

白鹿山東清水所出也

上承諸陂散泉積以成川南流西南屈

埠按御覽引此作南

流屈瀑布垂巖懸河注壑二十餘丈雷扑之聲震

動山谷左右

疑脫一石字

壁層深獸跡不交隍中散水

霧合視不見底南峰北嶺多結禪栖之士東巖西

谷又是刹靈之圖竹栢之懷與神心妙達仁智之

性共山水効深更為勝處也其水歷澗流飛清洞

觀御覽引此作清冷洞觀

謂之清水矣谿曰瑤谿又曰瑤澗

水又南與小瑤水合水近出西谿北窮谿東南流

注之清水清水又東南流吳澤陂水注之水上承

吳陂於修武縣故城西北修武故甯也亦曰朝陽

矣馬季長曰晉地自朝歌以北至中山為東陽朝

歌以南至軹為南陽故應劭地理風俗記云河內

殷國也周名之為南陽又曰晉始啓南陽今南陽

城是也秦始皇改曰修武徐廣王隱並言始皇改

瓚注漢書云案韓非書秦昭王越長平西伐修武

時秦未兼天下修武之名久矣余案韓詩外傳言

武王伐紂勒兵於甯更名甯曰修武矣魏獻子田

大陸還卒於甯是也漢高帝八年封都尉魏邀為

侯國亦曰大修武有小故稱大小修武在東漢祖

與滕公濟自玉門津而宿小修武者也大陸即吳

澤矣魏土地記曰修武城西北二十里有吳溝水

陂南北二十許里東則三十里西則蔡溝入焉水

有二源北水上承河內野王縣東北界溝為長明
 溝分枝津東逕雍城南寒泉水注之水出雍城西
 北泉流南注逕雍城西春秋僖公二十四年王將
 以狄伐鄭富辰諫曰雍文之昭也京相璠曰今河
 內出山陽西有故雍城又東南注長明溝溝水又
 東逕射犬城北漢大司馬張陽為將楊醜所害睢
 固殺醜屯此魏志作張揚睢固睢音申隨反欲北合袁紹典略曰
 睢固字白菟或戒固曰將軍字菟而此邑名犬菟
 見犬其勢必驚宜急去菟不從漢興平四年魏太
 祖斬之於此以魏種為河內太守守之兗州叛太

祖曰唯種不棄孤及走太祖怒曰種不南走越北

走胡不置汝也謝云一作不汝置也射犬平禽之公曰難其

才也釋而用之魏志云既下射犬生禽種公曰唯其才也釋其縛而用之故長

明溝水東入石澗東流蔡溝水入焉水上承州縣

北孫按漢志河內郡有州縣白馬溝東分為之蔡溝東會長明

溝水又東逕修武縣之具亭宋本作吳亭北東入吳陂

又次北有苟泉水入焉水出山陽縣故修武城西

南同源分派裂為二水南為苟泉北則吳瀆二瀆

雙導俱東入陂山陽縣東北二十五里有陸真阜

南有皇母馬鳴二泉東南合注于吳陂也次陸真

阜之東北得覆釜堆堆南有三泉相去四五里參
 差合次南注于陂泉在濁鹿城西建安二十五年
 魏封漢獻帝為山陽公濁鹿城即是公所居也陂
 水之北陂澤側有隕地疑作城也春秋隱公十一年
 王以攢茅隕十二邑與司寇蘇忿生者也京相璠
 曰河內修武縣北有故隕城實中今世俗謂之皮
 壇宋本作皮壇方四百步實中高八丈際陂北隔水一
 十五里俗所謂蘭丘也方二百步西一十里又有
 一丘際陂被舊本作三宋本作山或疑作之世謂之勅丘方五百
 步形狀相類疑即古攢茅也杜預曰二邑在修武

縣北所未詳也又東長泉水注之源出白鹿山東
 南伏流逕一十三里重源濬發於鄧城西北東南
 伏流世亦謂之重泉水也又逕七賢祠東左右筠
 篁列植冬夏不變貞萋魏步兵校尉陳留阮籍中
 散大夫譙國嵇康晉司徒河內山濤司徒琅邪王
 戎黃門郎河內向秀建威參軍沛國劉伶始平太
 守阮咸等同居山陽結自得之遊時人號之為竹
 林七賢也向子期所謂山陽舊居也後人立廟於
 其處廟南又有一泉東南流注于長泉水郭緣生
 述征記所云白鹿山東南二十五里有嵇公故居

以居時有遺竹焉蓋謂此也其水又南逕鄧城東
 名之為鄧瀆又謂之為白屋水也昔司馬懿征公
 孫淵還達白屋即於此也其水又東南流逕遺
 隤城北又東南歷澤注于陂泉水東流謂之八光
 溝而東流注于清水謂之長清河而東周末豐城
 有丁公泉發于焦泉之右次東又得焦泉泉發于
 天門之左天井固石天門山石自空狀若門焉廣
 三丈高兩匹深丈餘更無所出世謂之天門也東
 五百餘步中有石穴西向裁得容人平得二字疑
誤緣云東南入徑至天井直上三匹有餘板躡而昇

至上東平

一作平東

西二百步南北七百步四面嶮絕

無由昇陟矣上有比丘釋僧訓精舍寺十有餘僧

給養難周多出下平有志者居之寺左右雜樹踈

挺有一石泉方丈餘清水湛然常無增減山居者

資以給飲北有石室二間

古本作二口吳改作二間

舊是隱者

念一之所今無人矣泉發於北阜南流成漢

宋本作成

溪也

宋本無也字

世謂焦泉也次東得魚鮑泉次東得

張波泉次東得三淵泉梗柯叅連女宿相屬

古本作梗

河叅連女宿相屬吳本改作梗柯誤矣埤按隋天
 文志梗河三星在大前北而女宿或是須女矣李
 克家云梗河三星女宿即須女四星此蓋謂魚鮑
 張波三淵之三泉如梗河之叅連并焦泉為四似

女宿之相屬也是四川在重門城西並單川南注也重門

城昔齊王考為司馬師廢之宮於此即魏志所謂

送齊王于河內重門者也城在共縣故城西北二

十里城南有安陽陂次東又得卓水陂穴東有北

門陂陂方五百步在共縣故城西漢高帝八年封

旅罷師為共嚴侯國韓按史記年表云八年封盧罷師為共侯諡曰莊此旅字

當作旅即盧字古通用嚴避明帝諱即共和之故國也共伯既歸帝

政逍遙于共山之上山在國北所謂共北山也呂氏

春秋云共伯和修其行好賢仁而海內皆以來為稽矣周厲之難天子曠絕天下皆來謂矣莊子云

共伯得乎共首司馬彪注云厲王之難共伯即于王位十四年大旱屋焚召公卜之曰厲王為祟乃

立宣王共伯復歸于宗仙者孫登之所處袁彥伯

逍遙得意共山之首竹林七賢傳嵇叔夜嘗採藥山澤遇之於山冬以

被髮自覆夏則編草為裳彈一絃琴而五聲和其

水三川南合謂之清川又南逕凡城東司馬彪袁

崧郡國志曰共縣有汎亭周凡伯國春秋隱公七

年經書王使凡伯來聘是也杜預曰汲郡共縣東

南有凡城今在西南其水又西南與前四水總為

一瀆又謂之陶水南流注于清水清水又東周新

豐塢又東注也

東北過獲嘉縣北

漢書稱越相呂嘉及當作反武帝元鼎六年巡行於

汲郡中鄉得呂嘉首因以為獲嘉縣本紀云元鼎

五年四月南越王相呂嘉反殺漢使者及其王六年幸緱氏至左邑桐鄉聞南越破以為聞喜縣春

至汲新中鄉得呂嘉首以為獲嘉縣後漢封侍中馮石為侯國縣故

城西有漢桂陽太守趙越墓冢北有碑越字彥善

縣人也累遷桂陽郡五官將尚書僕射遭憂服闋

守河南尹建寧中卒碑東又有一碑碑北有石柱

石牛羊虎俱碎淪毀莫記清水又東周新樂城城

在獲嘉縣故城東北即汲水新中鄉也孫云汲水當作汲郡

又東過汲縣北

縣故汲郡治晉太康中立城西北有石夾水飛湍

湍急也人亦謂之磻溪言太公常釣於此也城東

門北側有太公廟廟前有碑碑云太公望君宋本

河內汲人也縣民故會稽太守杜宣白令崔瑗曰

太公甫生於汲舊居猶存君與高國同宗太公載

在經傳今臨此國宜正其位以明尊祖之義於是

國老王喜廷掾鄭篤功曹邵舊本作邠勤等咸曰宜之

遂立壇祀為之位主城北三十里有太公泉泉上

又有太公廟廟側高林秀木翹楚競茂相傳云太

公之故居也晉太康中范陽虛當作盧無忌為汲令

立碑於其上太公避紂之亂屠隱市朝遯釣魚水何必涓濱然後磻溪苟愜神心曲渚則可磻溪之名斯無嫌矣清水又東逕故石梁下梁跨水上橋石崩褫餘基尚存清水又東與倉水合水出西北方上山西倉谷谷有倉玉珉石故名焉其水東南流潛行地下又東南復出俗謂之雹水東南歷毋野謝云竹書作毋野一作牧野自朝歌以南南暨清水土地平衍據臯跨澤悉毋野矣郡國志曰朝歌縣南有牧野竹書紀年曰周武王率西矣當作西夷諸侯伐殷敗之于毋野今紀年作西夷牧誓所謂逃矣西土詩之人庸蜀羌髳微盧彭濮人是也詩

所謂毋野洋洋檀車煌煌者也有殷大夫比干冢前有石銘題隸云殷大夫比干之墓所記唯此今已中折不知誰所誌也太和中高祖孝文皇帝南巡親幸其墳而加弔焉刊石樹碑列于墓隧矣雹水又東南入于清水又東南逕合城南故三會亭也以淇清合河故受名焉清水又屈而南逕屬皇臺東北南注之也

又東入于河

謂之清河即淇河口也蓋互受其名耳地理志曰清河出內黃縣南無清水可來所有者唯鍾是

水耳蓋河徙南注清水瀆移唯流逕絕餘日故東川有清河之稱相嗣不斷目尚存故東川曹公聞白溝邊水北注方復故瀆矣

沁水出上黨沮

沮當作涅宋本作垣

縣謁戾山

後漢郡國志上黨郡涅縣注引

山海經云謁戾之山沁水出焉南流注于河郭云在涅

沁水即洎水也或言出穀遠縣羊頭山世靡谷三源奇注逕瀉一隍又南會三水歷洛出左右近溪參差翼注之也

南過穀遠縣東又南過猗氏縣東

穀遠縣王莽之穀近也沁水又南逕猗氏縣故城

東劉聰以詹事魯繇為冀州治此也沁水又南歷

猗氏關又南與羈羈水合水出東北巨峻山御覽引此

作巨乘高瀉浪觸石流響世人因聲以納稱西南

流注于沁沁水又南與秦川水合水出巨峻山東

帶引衆溪積以成川又西南逕端氏縣故城東昔

韓趙魏分晉遷晉君於端氏縣即此是也埤按史記趙成

侯十六年與韓魏分晉封晉君以端氏徐廣云端氏在平陽正義云端氏澤州縣名也其水

南流入于沁水

又南過陽阿縣東

沁水南逕陽阿縣故城西魏土地記曰建興郡治

陽阿縣郡西四十里有沁水南流沁水又南與濩澤水合水出澤城西白澗嶺下東逕濩澤墨子曰舜漁濩澤應劭曰澤在縣西北又東逕濩澤縣故城南蓋以澤氏縣也竹書紀年梁惠成王十九年晉取玄武濩澤者也其水際城東注又東合清淵水水出其城北東南經澤城東又南入于澤水澤水又東得陽泉水謝云宋本作陽泉水口出鹿臺山山上有水淵而不流其水東逕陽陵城南即陽阿縣之故城也漢高帝七年封下訥為侯國埤按謝本作下訥考之史記漢表並無其人唯琴操云下和獻玉于楚王封為陵陽侯辭不受退而作歌水歷焦宋作焦

燒山東下與黑嶺水合水出西北黑嶺下即開蹬也其水東南流逕北卿亭下又東南逕陽陵城東南逕陽泉水陽泉水又南注濩澤水又東南又有上澗水注之水導源西北輔山東逕銅于崖南歷析城山北山在濩澤南禹貢所謂砥柱析城至于王屋也山甚高峻上平坦下有二泉東濁西清左右不生草木數十步外多細竹其水自山陰東入濩澤水濩澤水又東南注于沁水沁水又東南陽阿水左入焉水北出陽阿川南流逕建興郡而其水又東南流逕午壁亭東而南入山浴波漱石澗

澗八丈環濤轂轉西南流入于沁水又南五十餘里汾宋本作洽上下步逕裁通小竹細筍被于山渚蒙

籠拔宋本作茂密奇宋本作最為翳蒼也

又南出山過沁水縣北

沁水南逕石門也謂之沁口魏土地記曰河內郡

野王縣西七十里有沁水左逕舊本作逕在沁水城西

附城東南流也石門是晉安平獻王司馬孚之為

魏野王典農中郎將之所造也案其表云臣孚言

臣被明詔與河內水利臣既到檢行沁水源出銅

堤山屈曲周迴水道九百御覽引此作九百里自太行以西

王屋以東層巖高峻天時霖雨衆谷走水小口漂

迸宋本作小石漂迸木門朽敗稻田汎濫歲功不成臣輒

按行去堰五里以外方石可得數萬餘枚臣以為

方石為門若天亢旱增堰進水若天霖雨陂澤充

溢則閉石斷水御覽引此注作閉防斷水空渠衍澇足以成河

雲雨由人經國之謀暫勞未逸聖王所許願陛下

特出臣表勅大司農府給人工勿使稽延以贊時

要臣孚言詔書聽許於是夾岸累石結以為門用

伐木門御覽引此注作用代木門枋故石門舊有枋口之稱矣

溉田頃畝之數門二玉海引此亦作間二歲月之似壘一字當作間關

水經注卷九

卷九

十

相

功事見門側石銘矣水西有孔山山上石穴洞開
 穴內石上有車轍牛跡者舊傳云自然成者非人
 功所就也其水南分為二水一水南出為朱溝水
 沁水又逕沁縣故城北蓋藉水以名縣矣春秋之
 少水也京相璠曰晉地矣又云少水今沁水也沁
 水又東逕沁水亭北世謂之小沁城沁水東右合
 小沁水水出北山臺渟淵南流為臺渟水南東入
 沁水沁水又東倍澗水注之水北出五行之山南
 流注于沁水

又東過野王縣北

沁水又東邗水注之出太行之阜山則宋本作五行
 之異名也淮南子曰武王欲築宮於五行之山周
 公曰五行嶮固德能覆也內貢廻矣使吾暴亂則
 伐我難矣君子以為能持滿高誘云今太行山也
 在河內野王縣西北上黨關也詩所謂徒矧野王
 道傾蓋上黨關即此山矣其水南流逕邗城西故
 邗關宋本作邗國也城南有邗臺春秋僖公二十四年
 王將伐鄭富辰諫曰邗武之穆也左傳云邗晉應
音于邗水邗城京相璠曰今野王西北三十里有
 故邗城邗臺是也今故城當太行南路道出其中

水經注卷九


卷九

十一

相

漢武帝封李壽為侯國邗水又東南逕孔子廟東
 廟庭有碑魏太和元年孔靈度等以舊字一作毀
 落上求修復野王令范眾愛河中宋本作河內太守元
 真刺史咸陽公高允表聞立碑於廟治中劉明駕
 宋本作呂次父主簿向班虎荀靈龜以宣尼大聖
 別駕非碑頌所稱宜立記焉云仲尼傷道不行欲北從
 趙鞅聞殺鳴犢遂旋車而反及其後也晉人思之
 於太行嶺南為之立廟蓋往時廻轅處也余按諸
 子書及史籍之文並言仲尼臨河而歎曰丘之不
 濟命也夫是非太行廻轅之言也碑云魯國孔氏

官於洛陽因居廟下以奉蒸嘗斯言至矣蓋孔因
 遷山下追思聖祖故立廟存饗耳其猶劉累遷魯
 立堯祠於山矣非謂廻轅於此也邗水東南逕邗
 亭西京相璠曰又有亭在橋一作臺西南三十里今
 是亭在邗城東南七八里蓋京氏之所謬耳或更
 有之余所不詳其水又南流注于沁沁水東逕野
 王縣故城北秦昭王四十四年白起攻太行道絕
 而韓之野王降始皇拔魏東地置東郡衛元君自
 漢當作漢陽徙野王即此縣也漢高帝元年為殷國
 二年為河內王莽之後隊前漢地志云河內郡縣



曰平野矣魏懷州刺史治皇都遷治省州復郡水
 北有華嶽廟廟側有攢栢數百根對郭臨川負岡
 蔭渚青青彌望奇可翫也懷州刺史頓丘李洪之
 之所經構也廟有碑焉是河內郡功曹山陽荀靈
 龜以和平四年造天安元年立沁水又東朱溝枝
 津入焉又東與丹水合水出上黨高都縣故城東
 北阜下俗謂之源源水山海經曰沁水之東有林
 焉名曰丹林丹水出焉即斯水矣丹水自源東北
 流又屈而東注左會絕水地理志曰高都縣有莞
 谷丹水所出東南入絕水是也絕水出泫氏縣西

北陽谷故地理志曰楊谷絕水所出東南流左會

左下舊本無會字

長平水水出長平縣西北小山東南流

逕其縣故城泫氏之長平亭也史記曰秦使左庶

長王齮攻韓取上黨上黨民走趙趙軍長平使廉

頗為將後遣馬服君

克家云舊本無君字有之字吳本以之字改作君字似當

作馬服君之子為是

子趙括代之秦密使武安君白起攻之

括四十萬眾降起起坑之於此上黨記曰長平城
 在郡之南秦壘在城西二軍共食流水澗相去五
 里秦坑趙眾收頭顱築臺於壘中因山為臺崔嵬
 桀起今仍號曰白起臺城之左右沿山亘隰南北

五十許里東西二十餘里悉秦趙故壘遺壁舊家克

云疑存焉漢武帝元朔二年以封將軍衛青為侯

其東南流注絕水絕水又東南流逕泫氏縣故城

北竹書紀年曰晉烈公元年趙獻于城泫氏絕水

東南與泫水會水導源縣西北玄谷東流逕一故

城南俗謂之都鄉城又東南逕泫氏故城南世祖

建武六年封萬普為侯國而東會絕水亂流東南

入高都縣右入丹水上黨記曰長平城在郡南山

中丹水出長平北山南流秦坑趙眾流血丹山舊

作丹由是俗名為丹水斯為不經矣丹水又東南

流注于丹谷即劉越石扶風歌所謂丹水者也晉

書地道記曰縣有太行關丹溪為關之東谷途自

此去不復出關夫宋本丹水又逕二石入北而各

在一山角倚相望南為河內北曰上黨三宋本郡

以之分境丹水又東南歷西巖下巖下有大泉湧

發洪源巨輪謝兆申云宋本作洪流巨輪淵深不測

蘋藻冬疑誤芹竟川含綠雖巖辰肅月燕麥暄萋

丹水又南白水注之水出高都縣故城西所謂長

平白水也東南流歷天井關地理志曰高都縣有

天井關蔡邕曰太行山上有天井關在井北遂因

名焉故劉歆遂初賦曰馳太行之嶮峻入天井之高關太元十五年晉征虜將軍朱序破慕容永於太行遣軍至白水去長子一百六十里白水又東天井溪水會焉水去天井關北流注白水世謂之北流泉白水又東南流入丹水謂之白水交丹水又東南出山逕郟城西城在山際俗謂之期城非也司馬彪郡國志曰山陽有郟城京相璠曰河內山陽西北六十里有郟城竹書紀年曰梁惠成王元年趙成侯偃韓懿侯若伐我葵卽此城也丹水又南屈而西轉光溝水出焉丹水又西逕苑鄉城

北南屈東轉逕其城南東南流注于沁謂之丹口竹書紀年曰晉出公五年丹水三日絕不流幽公九年丹水出相反擊卽此水也沁水又東光溝水注之也水首受丹水東南流界溝水出焉又南入沁水又東南流逕成鄉城北又東逕中都亭南又合界溝水水上承光溝東南流長明溝水出焉又南逕中都亭西而南流注于沁水也又東過周縣北

縣故周也春秋左傳隱公十有一年周以賜鄭公孫段六國時韓宣子徙居之有白馬溝水注之水

首受白馬湖湖一名朱管陂陂上承長明溝湖水
東南流逕金亭西分為二水一水東出為蔡溝一
水南流于沁也

又東過邢丘

一曰懷縣之北

韓詩外傳曰武王伐紂到邢丘更名邢丘曰懷

韓詩作懷甯

春秋時赤翟伐晉圍懷是也王莽以為河

內故河內郡治也舊三河之地矣韋昭曰河南河
東河內為三河也縣北有沁陽城沁水逕其南而
東注也

又東過武德縣南又東南至滎陽縣北東入于河

沁水於縣南水積為陂通結數湖有朱溝水注之
其水上承沁水於沁水縣西北自方口東南流奉
溝水右出焉又東南流右泄為沙溝水也其水又
東南於野王城西枝渠左水焉以周城漑東逕野
王城南又屈逕其城東而北注沁水朱溝自枝渠
東南逕州城南又東逕懷城南又東逕殷城北郭
緣生述征記曰河之北岸河內懷縣有殷城或謂
楚漢之際殷王卯治之非也余按竹書紀年云秦
師伐鄭次于懷城殷殷即是城也然殷之為名久
矣知非從卯始昔劉聰以郭默為殷州刺史都督

緣河諸軍事治此朱溝又東南注于湖湖水又右
 納沙溝水水分朱溝南派東南逕安昌城西漢成
 帝河平四年封丞相張禹為侯國今城之東南有
 古冢時人謂之張禹墓余按漢書禹河內軹人徙
 家蓮芍鴻嘉元年禹以老乞骸自治冢塋起祠堂
 於平陵平之肥牛亭近延陵奏請之詔為徒當作
 亭哀帝建平二年薨遂葬於彼此則非也沙溝又
 東逕隰城北春秋僖公二十五年取大叔於溫殺
 之於隰城是也京相璠曰在懷縣西南又逕殷城
 西東南流入於陂陂水又值東南流入於河先儒

亦咸謂是溝為沛渠故班固及關駟並言沛水至
 武德入河蓋沛水枝瀆條分所在布稱亦兼丹水
 之目矣孫云沛渠沛水沛並當作沛

淇水出河內隆慮縣西大號山

山海經曰淇水出沮如山水出山側頽波淵注衝
 激橫山山上合下開可減六七十步巨石礫砢交
 積隍澗傾澗濟盪御覽引此作傾澗莽盪勢同雷轉激水散
 氛暖若霧合又東北活水注之水出壺關縣東玷
 臺下石壁崇高昂藏隱天泉流發于西北隅與金
 谷水合金谷即玷臺之西溪也東北會水又東流

注淇水又逕南羅川又歷之羅城北東北與女臺水會合水發西北三女臺下東北流注于淇淇水又東北逕其一作淇陽川逕石城西北城在原上帶澗枕淇淇水又東北西流水注之水出東大嶺下西流逕石樓南在北陵石上練垂築立亭亭極峻其水西流水也又東逕馮都壘南世謂之淇陽城在西北三十里淇水又東出山分為二水會立石堰過水以沃白溝左為宛舊本作苑水右則淇水自元甫城東南逕朝歌縣北竹書紀年晉定公二十八年淇絕于舊衛即此也淇水又東屈而西轉逕頓

丘北故關關云頓丘在淇水南又屈逕頓丘西爾

雜曰山一成謂之頓丘釋名謂一頓而成丘無高

下小大之殺也釋名曰丘一成曰頓丘一頓而成無上下大小之殺也詩所

謂送子涉淇至于頓丘者也魏徙九原西河出軍

諸胡置五軍於丘側故其名亦曰五軍也太和泉

源水此下自水有二源至更相通注河清止九百里一十五字吳本誤入于十三卷濕水注中是

洛陽八風谷之繼水有二源一水出朝歌城西北


東南老人晨將渡水而沈吟難濟紆問其故左右

曰老者髓不實故暑寒也謝云宋本作晨寒

紆乃於此斲脛而視髓也其水南流東屈逕朝歌

城南晉書地道記曰本沫邑也詩云爰采唐矣沫之鄉矣殷王武丁始遷居之為殷都也禹貢紂都
 在冀州大陸之野即此矣有糟丘酒池之事焉有
 新聲靡樂號邑朝歌晉灼曰史記樂書紂為朝歌
 之音朝歌者歌不時也故墨子聞之惡而迴車不
 逕其邑論撰考識曰邑名朝歌顏淵不舍七十弟
 子掩目宰予獨顧由廢墮車宋均曰子路患宰予
 顧視凶地故以足廢之使墮車也今城內有殷鹿
 臺紂昔自投於火處也竹書紀年曰武王親禽帝
 受卒卒當作辛舊本無此字碑按書泰誓稱商王受則呼其名也史記云名辛是為帝辛天下

謂之紂竹書亦名受而沈約注一曰受辛呂氏春秋云紂名受德孟子墨子尸子皆稱紂諡法殘義損善曰紂蓋死後人諡之也于南單之臺遂分天之明南單之
 臺蓋鹿臺之異名也武王以殷之遺民封紂子武
 庚於茲邑分其地為三曰邶鄘衛使管叔蔡叔霍
 叔輔之為三監叛周討平以封康叔為衛箕子佯
 狂自悲故琴操有箕子操逕其墟父母之邦也不
 勝悲作麥秀歌地居河淇之間戰國時皆屬於趙
 男女淫縱有紂之遺風後乃屬晉山嶮宋本作晉土嶮舊本
 作晉王嶮嶮謂晉字屬上句若言
 土嶮不成文理或是山字乃通
 多寇漢以虞詡
 為令朋友以難治致弔詡曰不遇盤根錯節何以



別利器乎又東與左水合謂之馬溝水水出朝歌
 城北東流南屈至其城東又東流與美溝合水出
 朝歌西北大嶺下更出逕駱駝谷於中逶迤九十
 曲故俗有美溝之日矣歷十二嶧嶧流相承泉響
 不斷返水捍注倦後倦後二字譌誤未詳深隍隍間積石下
 通水穴為變古本作積石千通宋本作水穴萬變吳本改為下通水穴似誤觀者
 若思疑作苦思不周賞情之疑作志圖狀矣其水更逕朝
 歌城北又東南流注馬溝水又東南注淇水為肥
 泉也故衛詩曰我思肥泉茲之未嘆毛注云同出
 異歸為肥泉爾雅曰歸異出同曰肥釋名曰本同

出時所浸潤少所歸各枝散而多似肥者也犍為
 舍人曰水異出流行合同曰肥今是水異出同歸
 矣博物志謂之澳水詩云瞻彼淇澳棗竹猗猗毛
 云棗王芻也竹編竹也毛傳作篇竹爾雅作篇蓄漢武帝塞決
 河斬淇園之竹木以為用寇恂為河內伐竹淇川
 治矢百餘萬以溢軍資溢當作益御覽引此作以輸軍資後漢書寇恂傳作
 以給軍士今通望淇川無復此物唯王芻編草不異毛
 興謝云宋本作不異毛注又言澳隈也鄭亦不以為津源而
 張司空專以為水流入於淇非所究也然斯水即
 詩所謂源泉之水也故衛詩云泉源在左淇水在

右衛女思歸指以為喻淇水左右蓋舉水所入為左右也淇水又南歷枋堰舊淇水南東流逕黎陽縣界南入河地理志曰淇水出共東至黎陽入河溝洫志曰在遮害亭西一十八里至淇水口是漢建安九年魏武王於水口下大枋木以成堰遏淇水東入白溝以通漕運故時人號其處為枋頭是以盧諶征艱賦曰後背洪枋巨堰深渠高隄者也自後遂廢魏熙平中復通之故渠歷楊城北東出今瀆破故堰其堰悉鐵柱木石參用其故瀆南逕枋城西又南分為二水一水南注清水水流上下

更相通注河清水盛北入故渠自此始矣一水東流逕枋城南東與宛口合宛水上承淇水於元甫城西北自石堰東注宛城西屈逕其城南又東南流歷五軍東北得舊石沮故五水分流世號五穴口今惟通井謝云宋本作拜為二一水西注淇水謂之天井溝一水逕五軍東分為蓼溝東入白祠陂宋本作白祀舊本作白又南分東入同山陂溉田七十餘頃二陂所結即臺陰野矣宛水東南入淇水淇水右合宿胥故瀆瀆受河於頓丘縣遮害亭東黎山西北會淇水處立石堰遏水今更東北注魏武開白

溝因宿胥故瀆而加其功也故蘇代曰決宿胥之口魏無虛頓丘蘇代語見燕策即指是瀆也淇水又東北流謂之白溝逕雍榆城南春秋襄公二十三年叔孫豹救晉次于雍榆城者也淇水逕其城東東北逕同山東又北逕其城東東北逕帝嚳冢西世謂之頓丘臺非也皇覽曰帝嚳冢在東郡濮陽頓丘城南臺陰野中者也又北逕白祠山東歷廣陽里逕顓頊冢西俗謂之殷王陵非也帝王世紀曰顓頊葬東郡頓丘城南廣陽里大冢者是也淇水又北逕頓丘縣故城西古文尚書以為觀地矣蓋太

庚

太庚字誤當作太康國語士壘曰啓有五觀弟湯有太甲章昭注云五觀啓子太康昆弟也

五君之號曰五觀者也竹書紀年晉定公三十一年城頓丘皇覽曰頓丘者城門名頓丘道世謂之殷皆非也蓋因丘而為名故曰頓丘矣淇水東北逕柱人山東柱當作柱在隋圖經曰柱人山谷各山陽三山或云紂殺比干於此山因得名古凡伯國地也隋書地志云汲郡黎陽有大伾山柱人山牽城西春秋左傳定公十三年公會齊侯衛侯于牽者也杜預曰黎陽東北有牽城即此城矣淇水又東北逕石柱岡東北注矣孫云按春秋定十四年公會齊侯衛侯于牽左傳會于脾上梁之間注即牽地又東過內黃縣南為白溝

水經注卷九 卷九 三十五
淇水又東北逕并陽城西世謂之辟陽城非也卽
郡國志所謂內黃縣有并陽聚者也白溝又北左
合陽水又東北流逕內黃縣故城南縣右對黃澤
郡國志曰縣有黃澤者地理風俗記曰陳留有外
黃故加內史記曰趙廉頗伐魏取黃卽此縣
屈從縣東北與洹水合

白溝自縣北逕戲陽城東世謂之義陽郭春秋昭
公十年晉荀盈如齊逆女還卒戲陽是也白溝又
北逕高城亭東又洹水從西南來注之又北逕閭
亭東卽魏界也應劭曰縣故城魏武侯之別都也

城內有武侯臺王莽之魏城亭也左與新河合洹
水枝流也白溝又東北逕銅馬城西蓋光武征銅
馬所築也故城得其名矣白溝又東北逕羅勒城
東又東北漳水注之謂之利漕口自下清漳白溝
淇河咸得通稱也

又東北過館陶縣北又東北過清淵縣西

白溝水又東北逕趙城西又北阿難河出焉蓋魏
將阿難所導以利衡瀆首有阿難之稱矣白溝又
東北逕空陵城西又北逕喬亭城西東去館陶縣
故城十五里縣卽春秋所謂冠氏也魏陽平郡治

也其水又屈逕其縣北又東北逕平恩縣故城東
地理風俗記曰縣故館陶之別鄉也漢宣帝元康
三年置以封后父許伯為侯國地理志王莽之延
平縣矣淇水又東過清淵縣故城西又歷縣之西
北為清淵故縣有清淵之名矣世謂之魚池城非
也淇水之宋本作又東北逕榆陽城北漢昭帝封太常
江德為侯國文穎曰邑在魏郡清淵世謂之清淵
城非也

又東北過廣宗縣東為清河

清河東北逕廣宗縣故城南順帝永元五年封皇

太子萬年為王國田融言趙立建興郡於城內置
臨清縣於水東自趙石始也清河之右有李雲墓
雲字行祖甘陵人好學善陰陽舉孝廉遷白馬令
中常侍單超等立掖庭民女亳氏為后瑋云脫家
封者四人賞賜巨萬雲上書移列三府曰孔子云
帝者諦也今尺一拜用不逕御者是帝欲不諦乎
瑋按後漢書作移副三府曰今尺一拜用不逕御者是帝欲不諦乎帝怒下獄殺之
後冀州刺史賈瑤後漢書作賈琮使行部過祠雲墓刻石
表之今石柱尚存俗猶謂之李氏石柱清河又東
北逕界城亭東水上有大梁謂之界城橋英雄記

曰公孫瓚擊青州黃巾賊大破之還也廣宗秉本
 初自往征瓚合戰于界橋南二十里紹將鞠義破
 瓚於界城橋斬瓚冀州刺史嚴綱後漢書作斬其
 所置冀州刺史
 綱又破瓚殿兵於橋上即此梁也世謂之兩城橋
 蓋傳呼失實矣清河又東北逕信鄉西地理風俗
 記曰甘陵西北十七里有信鄉故縣也清河又北
 逕信成縣故城西應劭曰甘陵西北五十里有信
 成亭故縣也趙置水東縣於此城故亦曰水東城
 清河又東北逕清陽縣故城西漢高祖置清河郡
 治此中元二年景帝封皇子乘為王國王莽之河

平也漢光武建武二年西河鮮于冀為清河太守
 作公解未就而亡後守趙高計功用二百萬五官
 黃秉功曹劉適言四百萬錢於是冀乃鬼見白日
 道從入府與高及秉等對共計校定為適秉所割
 匿冀乃書表自理其略言高貴不尚節畝壟之夫
 而箕踞遺類研密失機婢妾其性媚世求顯偷竊
 銀艾鄙辱天官易譏負乘誠高之謂臣不勝鬼言
 謹因千里驛聞待宋本作付高上之便西北去三十里
 車馬皆滅不復見秉等皆伏地物故高以狀聞詔
 下還冀西河田宅妻子焉兼為差代以旌幽中之

水經注卷九 卷九 三十一
訟漢桓帝延和元年改清河為甘陵王國以王妖
言徙其年立甘陵郡治此焉

又東北過東武城縣西

清河又東北逕陵鄉西應劭曰東武城西南七十
里有陵鄉故縣也後漢封太僕梁松為侯國故世
謂之梁侯城遂立侯城縣治也清河又東北逕東
武城故縣城西史記趙公子勝號平原君以解邯
鄲之功受封於此定襄有武城故加東矣清河又
東北逕復陽縣故城西漢高祖七年封右司馬陳
膏為侯國王莽更名之曰樂歲地理風俗記曰東

武城西北三十里有復陽亭故縣也世名之曰檻

城非也清河水又東北流逕棗彊縣故城西史記

建元以來王子侯者年表云漢武帝元朔二年封

廣川惠王子曼為侯國也應劭地理風俗記曰東

武孫云此下當有城字西北五十里有彊城宋本作棗彊城故縣也

又北過廣川縣東

清水北逕廣川縣故城南關駟曰縣有長河為流

故曰廣川也水側有羌壘姚氏之故居也今廣川

縣治清河又東北逕歷縣故城南地理志信都之

屬縣也王莽更名曰歷寧也應劭曰廣川縣西北

三十里有歷城亭故縣也今亭在縣東如當作此水濟尚謂之為歷口渡也

又東過修縣南又東北過東光縣西

清河又東北左與張甲屯絳故瀆合阻深堤高鄣無復有水矣又逕修縣故城南屈逕其城東修音

條王莽更名之曰治修郡國志曰故屬信都清河

又東北左與黃漳板津宋本作枝津故瀆合又東北逕

修國故城東漢文帝封周亞夫為侯國故世謂之

北修城也清河又東北逕邸閣城東城臨側清河

晉修縣治城內有縣長魯國孔明碑清河又東至

東光縣西南逕胡蘇亭者是世謂之羌城非也又

東北右會大河故瀆又逕東光縣故城西後漢封

耿純為侯國初平二年黃巾三十萬人入北海後據

漢書當公孫瓚破之於東光界追奔是水斬首三

萬流血丹水即是水也後漢書曰青徐黃巾三十

步騎一萬人逆擊于東光南大破之斬首三萬餘級

又東北過南皮縣西

清河又東北無棣溝出焉東逕南皮縣故城南又

東逕樂亭北地理志之疑作臨樂縣故城也王莽

更名樂亭晉書地道志太康地記樂陵國有新樂

縣卽此城矣又東逕新鄉城北卽地理志高樂故城也王莽更之曰爲鄉矣無棣溝又東分爲二瀆無棣溝又東逕於樂陵郡北又東屈而北出又東轉逕宛鄉故城南又東南逕高城縣故城南與枝瀆合溝上承無棣溝南逕樂陵郡西又東南逕千童縣故城東漢地理志千童縣屬勃海郡靈帝改曰饒安史記建元以來王子侯者年表曰故重也一作千鍾漢武帝元朔四年封河間獻王舊本作靖王子劉陰爲侯國應劭曰漢靈帝改曰饒安也滄州治枝瀆又南東屈東北注無棣溝無棣溝又東北逕一故城北世謂之

功城也又東北逕鹽山東北入海春秋僖公齊楚之盟於邵陵也管仲曰昔召康公錫命先君太公履北至於無棣蓋四履之所也京相璠曰舊說無棣在遼西孤竹縣二說參差未知所定然管仲以責楚無棣在此方之爲近旣世傳以文以文字誤當作已久且以聞見書之清河又東北逕南皮縣故城西三州志曰章武有北皮亭故此曰南皮也王莽之逆河亭史記惠景侯者年表云漢文帝後元年中封孝文后兄子彭祖爲侯國漢建安中魏武擒袁譚於此城也清河又北逕皮城東左會譚地宋本作池

別瀆謂之合故謂之合城也地理風俗記曰南皮城北五十里有北皮城也

又東北逕浮陽縣西

河東北浮水故瀆出焉按史記趙之南界有浮水焉浮水在南而此有浮陽之稱者蓋浮水出入津流同逆混并清漳二瀆河之舊道浮水故迹又自斯別是縣有浮水之名也首受清河於縣界東北逕高城縣之宛鄉城北又東逕章武縣之故城漢文帝後元中封孝文后弟竇廣國為侯國王莽更名桓章地理志章武縣屬渤海郡莽曰桓章晉太始中立章武郡治

此浮水故瀆又東逕篋山北魏氏土地記曰高城東北五十里有篋山長七里浮瀆又東北逕柳縣故城南漢脫一武字帝元朔四年封齊孝王子劉陽為侯國地理風俗記曰高城縣東北五十里有柳亭故縣也世謂之辟亭非也浮瀆又東北逕漢武帝望海臺又東注于海應劭曰浮縣浮水所出入海潮汐往來日再今溝無復有水也清河又北分為二瀆枝分東出又謂之浮瀆清河又北逕浮陽故城西王莽之浮城也建武十五年更封騎將軍平鄉侯劉歆為侯國浮陽郡治又東北澤施別瀆注

焉謂之合河也

又東北過濊邑北

濊水出焉

又東北過鄉邑南

清河又東分為二水枝津右出焉東逕漢武帝故

臺北魏氏土地記曰章武縣東一百里有武帝臺

南北有二臺相去六十里基高六十丈俗云漢武

帝東巡海上所築又東注于海清河又東北逕紵

姑邑南俗謂之新城非也

又東北逕窮河邑南

清河又東北逕窮河邑南俗謂之三女城非也東

北至泉周縣北入溥池水經曰當作筍溝疑作泉

周縣東南與清河合者目下為清河下邑也又東

泉周泉當作出焉

又東北過漂榆邑入于海

清河又東逕漂榆邑故城南俗謂之角飛城趙記

云石勒使王述煮鹽於角飛即城異名矣魏土地

記曰高城縣東北一百里北盡漂榆東臨巨海民

咸煮海水藉鹽為業即此城也清河自是入于海

蕩水出河內蕩陰縣西山東


水經注卷之九 三十一
蕩水出縣西石尚山泉流逕其縣故城南縣因水以取名也晉伐成都王穎敗帝于是水之南盧林四王起事曰惠帝征成都王穎戰敗時舉輦司馬八人輦猶在肩上軍人競就殺舉輦者乘輿頓地帝傷三夫一作矢百僚奔散唯侍中嵇紹扶帝士將兵之帝曰吾吏也勿害之衆曰受太弟命唯不犯陛下一作一人耳遂斬之血汙帝袂將洗之帝曰嵇侍中血勿洗也此則嵇延祖殞命之所

又東北至內黃縣入于黃澤

姜水出蕩陰西北韓大半泉地理志曰縣之西山姜水所出也姜水又東逕韓附壁北又東流逕姜城北故姜里也史記音義曰牖里在蕩陰縣廣雅稱獄犴也夏曰夏臺殷曰姜里周曰囹圄皆圜土昔殷紂納崇侯虎之言囚西伯於此散宜生南宮括見文王乃演易用明否泰始終之義焉姜城北水積成淵方一十餘步深一丈餘東至內黃與防水會水出西山馬頭澗東逕防城北盧諶征艱賦所為當作越防者也其水東南流注于姜水又東歷黃澤入蕩水地理志曰姜水至內黃入蕩者也蕩水又東與長沙溝水合其水導源里山北谷東

流逕晉鄙故壘北謂之晉鄙城名之為魏將城昔
 魏公子無忌矯奪晉鄙軍於是處故班叔皮遊居
 賦曰過蕩陰而弔晉鄙責公子之不臣者也淇水
 又東謂之宜師溝又東逕蕩陰縣南又東逕柱人
 山柱當作在隋圖經云東北至內黃澤右入蕩水
 亦謂之黃雀溝是水秋夏則泛春冬則耗水又逕
 內黃城南陳留有外黃故稱內也東注白溝
 洹水出上黨泫氏縣泫氏曰美里風曰因國晉圖土
 水出洹山山在長子縣也曰洹里去縣四十里
 東過隆慮縣北洹水又東過隆慮縣北又東過

縣北有隆慮山昔帛仲理之所遊神也縣因山以
 取名漢高帝六年封周竈為侯國應劭曰殤帝曰
 隆故改從林也縣有黃水出于神困之山黃華谷
 地宋本作北崖山高十七里水出木門帶帶即山之第
 三級也去地七里縣水東南注壑直瀉巖下狀若
 雞翹史游急就章曰春草雞翹鳥兒羽濯顏師古注云雞翹雞尾之曲垂也又漢輿服志云鸞旗者編羽旄列繫幢旁世謂之雞翹故謂之雞翹洪蓋亦天台赤城
 流也其水東流至谷口潛入地下東北一十里復
 出名柳渚渚周四五里是黃水重源再發也東流
 葦泉水注之出林慮川北澤中東南流與雙泉合



水魯般門

謝云宋本作水出魯般門

東下流入葦泉水葦泉水

又東南流注黃水謂之陵陽水又東入于洹水也

又東北出山逕鄴縣南

洹水出山連逕殷墟北竹書紀年曰盤庚即位自

奄遷于此遂曰殷昔者項羽與章邯盟於此地矣

洹水又東枝津出焉東北流逕鄴城南謂之新河

又東分為二水北逕東明觀下者

一作昔

慕容雋夢

石虎齧其臂寤而惡之購求其尸而莫知之後宮

嬖妾言虎葬東明觀下於是掘焉下度三泉得其

棺剖棺出尸尸僵不腐雋罵之曰死胡安敢夢生

天子也使御史中尉楊約數其罪而鞭之此蓋虎

始葬處也又北逕建春門石梁不高大治石工密

舊橋首夾建兩石柱螭短

謝云宋本作矩

跌勒甚佳乘輿

南幸以其作制華妙致之平城東側西屈

宋本作闕

對射堂淥

宋本作淥

水平潭碧林浦側可遊意矣其水

際其西逕魏武玄武故苑苑舊有玄武池以肄舟

楫有魚梁釣臺竹木灌叢今池林絕滅略無遺跡

矣其水西流注于漳南水東北逕女亭城北又東

北逕高陵城南東合坳溝又東逕鷓鴣陂北與台

陂水合陂東西三十里南北注白溝河溝上承洹

水北絕新河北逕高陵城東又北逕斥丘縣故城

西縣南角有斥丘舊本作赤丘蓋因丘以氏縣故乾侯

矣春秋經書昭公二十八年始之始之當作公如晉次于

乾侯也漢高帝六年封唐廣為侯國孫云按史記斥丘侯唐厲

王莽之利丘矣又屈逕其北城東北流注于白溝

洹水自鄴東逕安陽縣故城北徐廣晉紀曰石遵

自孛城北入斬張豹於安陽是也魏土地記曰鄴

城南四十里有安陽城城北有洹水東流者也洹

水又東至長樂縣左側則溝出焉洹水又東逕長

樂縣故城南按晉書地理志曰魏郡有長樂縣也

又東過內黃縣北東入于白溝

洹水逕內黃縣北東流注于白溝世謂之洹水也

許慎說文曰忱字林並云洹水出晉魯之間昔聲


伯夢涉洹水或與其瓊瓌而食之泣而又與瓊瓌

盈其懷矣從而歌曰濟洹之水贈我以瓊瓌歸乎

歸乎瓊瓌盈吾懷後言之暮而卒脫一即字是水也左傳

曰公孫聲伯夢涉洹或與已瓊瓌食之泣而為瓊瓌盈其懷從而歌之云云懼不敢占也還自伐鄭

至于狸脈而占之曰余恐死也故不敢占言之之暮而卒



水經注箋卷第九

水經注箋卷第十

漢 桑欽撰

後魏 酈道元 注

明 李長庚

孫汝澄

朱謀璋箋

李克家全校

濁漳水 清漳水

濁漳水出上黨長子縣西發鳩山之漳水焉

出麓谷與發鳩連麓而在南

御覽引此注云漳水出麓谷山與發鳩連

麓而

在南 淮南子謂之發苞山故異名互見也左則陽

泉水注之右則散蓋水入焉三源同出一山但以

南北為別耳

東過其縣南

又東堯水自西山東北流逕堯廟北又東逕長子

縣故城南周史辛甲所封邑也左傳魏莊子曰辛甲為周太史命百

官官箴王闕劉向別錄云辛甲事紂七十五諫而不聽去之周文王以為公卿封之長子漢志注云

長讀作長短之長春秋襄公十八年晉人執衛行人石買

於長子卽是縣也秦置上黨郡治此也其水東北

流入漳水漳水東會于梁水梁水出南梁山北流

至長子縣故城南竹書紀年曰梁惠成王十二年

鄭取屯留尚子沮一作沮疑作則尚子卽長子之異名也

梁水又北入漳水

屈從縣東北流注

陶水南出南陶北流至長子城東西轉逕其城北

東注于漳水

又東過壺關縣北

漳水東逕屯留縣南又屈逕其城東東北流有絳

水注之絳水西出穀遠縣東發鳩之谷謂之絳水

西出穀遠縣為濫水屯謝云宋本屯作也東逕屯留縣故

城南故留子國也潞氏之屬春秋襄公十八年晉

人執孫蒯於純孫云左傳注純音屯留是也其水東北流入

于漳故桑欽云絳水孫云水下當有逕字屯留西南東入漳

漳水又東陳水注之水出西發鳩山東逕余吾縣故城南漢光武建武六年封景丹尚子為侯國陳水又東逕屯留縣故城北竹書紀年梁惠成王元年韓共侯趙成侯遷晉桓子宋本作桓公于屯留史記趙肅侯奪晉君端氏而徙居之此矣其水又東流注于漳故許慎曰水出發鳩山入關從水章聲也漳水逕壺關縣故城西又屈逕其城北故黎國也有黎亭縣有壺口關故曰壺關矣出后元年立孝惠後宮子武為侯國漢有壺關三老公乘輿上書訟衛太子即邑人也縣在屯留東不得先壺關而後

屯留也漳水歷鹿臺山與鞮水合水出銅鞮縣西

北石磴山東流與專池水合出八持山八持當作八持成臯黃馬是也

東北流入銅鞮水銅鞮水又

東南逕女諫水西北好松山東南流北則葦池水

與公主水合而右注之南則榆交泰與皇后水合

而左入焉亂流東南注于銅鞮銅鞮水宋本水下有東逕二

李憲墓前有碑碑石破碎故李氏以太和元年

立之晉諸公讚曰李憲字季和上黨人少有高行為僕射年老遜位拜光祿大夫羊叔子所謂

其水又東逕故城北城在山

阜之上下臨岫壑東西北三面岨衰二里世謂之

斷梁城即故縣之上虎亭也銅鞮水又東逕銅鞮

縣故城北城在水南山中晉大夫羊舌赤銅鞮伯

華之邑也漢高祖破韓王信於此縣也銅鞮水又

東南流逕項一作城西即縣之下虎聚也地理志

曰縣有上虎亭下虎聚者也後魏地形志長子有

漢地志銅鞮縣有上虎亭下虎聚銅鞮又南逕胡

邑西又東屈逕其城南又東逕襄垣縣入于漳漳

水又東北流逕襄垣縣故城南王莽之上黨亭

又東北過屯留縣潞縣北謝兆申云宋本無屯留縣三字據按屯留與潞縣俱

屬上黨郡

縣故赤翟潞子國也其相豐舒有雋才而不以茂

德晉伯宗數其五罪使荀林父滅之闕駟曰有潞

水為冀州浸即漳水也余按燕王猛與慕容評

相遇於潞川也鄣固山泉鬻水與寧入宋本絹匹

水二石十六國春秋云王猛入晉陽慕容評畏猛

鬻水與軍入絹一匹得水二石積侏太川可以為

侵宋本所有巨浪長湍唯潭宋本水耳故世人亦

謂濁漳為潞水矣縣北對故壁臺漳水逕其南本

潞子所立也世名之為臺壁也慕容垂伐慕容末

於長子軍次潞川末率精兵拒戰阻河自固垂陣

壁臺一戰破之卽是處也漳水於是左右黃須水

口水出壁臺西張譚謝云詳下巖下世傳巖赤則

土離宋本兵害故惡其變化無常恒以石粉汗之

令白是以俗目之爲張諱巖其水南流逕臺壁西

又南入于漳漳水又東北歷望夫山山之南有石

人竚於山上狀有懷於雲表因以名焉有洹水西

出覆甌山而東流與西湯溪水合出涅縣西山湯

谷五泉俱會謂之五會之泉交東南流謂之西湯

水又東南流注涅水又東逕涅氏縣漢志有故城

南縣氏涅水也東與白鷄水出縣之西山東逕其

縣北東南流入涅水涅水又東南與武鄉水會焉

水源出武山西南逕武鄉縣故城西而南出得清

谷口水源出東北長山清谷西南與鞞鞞白壁二

水合南入武鄉水又南得黃水口黃水三源同注

一壑東南流與隱室水合水流西北出隱室山東

南注潢水克家云疑又東入武鄉水武鄉水又東

南注于涅水涅水又東南流注于漳水漳水又東

逕磻陽城北倉石水入焉水出林慮縣之倉石溪

東北逕魯班門西闕昂藏埤云昂藏是軒露後太

石壁霞舉左右結石以昂志天下昂藏故曹故名

水經注卷之四十九

卷之四十九

五

涅

修坊宋本崇基仍存北逕偏橋東即林慮之嶠嶺

抱犢固也石磴西陞陟踵脩上五里餘罅路中斷

四五丈中以木為偏橋劣得道宋本行亦言故有

偏橋之名矣自上猶須攀蘿捫葛方乃自津山頂

即庚眩墜處也埤云庚眩未詳或當是爰眩倉石

溪水又北合白水溪溪水出壺關縣東白木川東

逕百畝城北蓋同仇池百頃之稱矣後漢書云白

胃貪貨死利居於河池一名仇池方百頃四面斗

絕仇池記云仇池百頃周圍九千四百步天形四

方壁立千仞凡二十又東逕林慮縣之石門谷又

注于蒼溪水蒼溪水又北逕礪陽城東而北流注

于漳水漳水又東逕葛八亭北而東去矣

又東過武安縣

漳水謝云宋本漳於縣東清水自涉縣東南來注

流之世謂決入之所謂交漳口也

又東出山過鄴縣西


漳水又東逕三戶峽為三戶津張晏曰三戶地名

也在梁期西南孟康曰津峽名也在鄴西四十里

又東汗宋本水注之水出武安縣山東南流逕于


城北昔項羽與蒲將軍英布濟自三戶破章邯于

是水汗水東注于漳水漳水又東逕武城南世謂



之梁期城梁期在鄴北俗亦謂之兩期城皆為非也司馬彪郡國志曰鄴縣有武城武城即期城矣漳水又東北逕西門豹祠前祠東側有碑隱起為字祠堂東頭石柱勒銘曰趙達當作建武中所修也魏文帝述征賦曰羨西門之嘉迹忽逕宋本作遙睇其靈宇漳水右與枝水合其水上承漳水於邯鄲西而東別與邯水合水發源邯山東北逕邯鄲縣故城西北注漳水故曰邯會也張晏曰漳水之別自城西南與邯山之水會今城旁猶有溝渠存焉漢武帝元朔二年封趙敬肅王子劉仁為侯國其水

又東北入于漳昔魏文侯以西門豹為鄴令也引漳以溉鄴民賴其用其後至魏襄王以史起為鄴令又堰漳水以灌鄴田咸成沃壤百姓歌之魏武王又竭漳水迴流東注號天井堰里中作十二燈燈相去三百步令互相灌注一源分為十二流皆懸水門陸氏鄴中記云水所溉之處名曰晏陂澤故左思之賦魏都也謂燈流十二同源異口者也魏武之攻鄴也引漳水以圍之獻帝春秋曰司空鄴城圍周四十里初淺而狹如或可越審配不出爭利望而笑之司空一夜增修廣深二丈引漳水



以注之遂拔鄴

後漢書曰曹操進攻鄴鑿塹圍城周四十里初令淺示若可越配望見笑而不出爭利操一夜濬之廣深二丈引漳水以灌之自五月至八月城中餓死者過半

齊桓公所置也故管子曰築五鹿中牟鄴以衛諸

夏也後屬晉魏文侯七年始封垓地

謝云宋本作始封此地

故曰魏也漢高帝十二年置魏郡治鄴縣王莽更

名魏城後分魏郡置東西都

宋本

都尉故曰三魏

魏武又以郡國之舊引漳流自城西東入逕銅雀

臺下伏流入城東注謂之長明溝也渠水又南逕

止車門下魏武封於鄴為北宮宮有文昌殿溝水

南北夾道枝流引灌所在通漑東出石竇下注之

湟水故魏武登臺賦曰引長明灌街里謂此渠也

石氏於文昌故殿處造東西太武二殿於濟北殿

當作

城之山採文石為基

十六國春秋云石虎造東西太武二殿採穀城

山文石

一基下立百武直宿衛屈柱

屈柱似是屋柱之譌跌

瓦悉鑄銅為之金漆圖飾焉又徒長安洛陽銅人

置諸宮前以華國也城之西北有三臺皆因城之

為基

當作城為之基

巍然崇舉其高若山建安十五年魏

武所起平坦略盡春秋古地云葵丘地名今鄴西

臺是也謂臺已平或更有見意所未詳其中曰銅

謝云銅下

臺高十丈有屋百餘間臺成命諸子登

之並使為賦陳思王下筆成章美捷當時亦魏武
 望奉常王叔治之處也昔嚴才與其屬攻掖門脩
 聞變車馬未至便將官屬步至宮門太祖在銅雀
 臺望見之曰彼來者必王叔治也相國鍾繇曰舊
 京城有變九卿各居其府卿何來也脩曰食其祿
 焉避其難居府雖舊非赴難之義時人以為美談
 矣石虎更增二丈立一屋連棟接檐宋本彌覆其
 上盤迴隔之名曰命子窟又於屋上起五層樓高
 十五丈去地二十七丈又作銅雀於樓巔舒翼若
 飛南則金雀臺高八丈有屋一百九間北曰水井

臺亦高八丈有屋一百四十間上有冰室室有數
 井井深十五丈藏冰及石墨焉石墨可書又然之
 難盡亦謂之石炭又有粟窖及監監疑以備不虞
 今窖上猶有石銘存焉左思魏都賦曰三臺列峙
 而崢嶸者也城有七門南曰鳳陽門中曰中陽門
 次曰廣陽門東曰達春一作建春門北曰廣德門次曰
 廐門西曰金明門一曰白門鳳陽門三臺洞開高
 三十五丈石氏作層觀架其上置銅鳳頭高一丈
 六尺東城上石氏立東明觀觀上加金博山謂之
 鏘天北城上有齊午宋本作斗樓超出羣樹孤高特立

其城東西七里南北五里飾表以磚百步一樓凡

諸宮殿門臺隅雉皆加觀榭層臺及當作宇飛檐

拂雲西京賦云及宇業業飛檐圖以丹青

色以輕素當其全盛之時去鄴六七十里遠望蒼

亭巍若仙居魏因漢祚復都洛陽以譙之先人本

國謝云宋本作譙為先人本國許昌為漢之所居長安為西京

之遺迹鄴為王業之本基故號五都也今相州刺

史及魏郡治漳水自西門豹祠北逕趙閱馬臺西

基高五丈列觀其上石虎每講武於其下升觀以

望之虎自於臺上放鳴鏑之矢以為軍騎出入之

節矣漳水又北逕祭陌西戰國之世俗巫為河伯

取婦祭於此陌魏文侯時西門豹為鄴令約諸三

老曰為河伯娶婦卒來告知史記作幸吾欲送女

皆曰諾至時三老廷掾賦歛百姓取錢百萬巫覡

行里中有好女者呪當為河伯婦呪字誤史記作

婦以錢三萬聘女沐浴脂粉如嫁狀豹往會之三

老巫掾與民咸集赴觀巫嫗年七十從十女弟子

豹呼婦視之以為非妙令巫嫗入報河伯投巫於

河中有頃曰何久也又令三弟子及三老入白並

投於河豹聲當作折曰三老不來柰何復欲使廷

掾豪長趣之皆叩頭流血乞不為河伯取婦淫祀
雖斷地留祭陌之稱焉又慕容儁投石虎尸處也
田融以為紫陌也趙建武十一年造紫陌浮橋於
水上為佛圖澄先造生墓於紫陌建武十五年卒
十二月葬焉即此處也漳水又對趙氏臨漳宮宮
在桑梓苑多桑木故苑有其名三月三日及始蠶
之月虎帥皇后及夫人採桑於此今地有遺桑墉
無尺雉矣漳水又北溢水入焉漳水又東逕梁期
城南地理風俗記曰鄴北五十里有梁期城故縣
也漢武帝元鼎五年封任破胡為侯國晉惠帝永

興元年驃騎王浚遣烏丸渴末逕至梁期候騎到
鄴成都王穎遣將軍石超討末為末所敗於此又
逕平陽城北竹書紀年曰梁惠成王元年鄴師邯
鄲師於平陽者也司馬彪郡國志曰鄴有平陽城
即此地也

又東過列人縣南

漳水又東右逕斥丘縣北即裴縣故城南王莽更
名之曰即是也地理風俗記曰列人縣西南六十
里有即裴城故縣也漳水又東北逕列人縣故城
南王莽更名之為列治也竹書紀年曰梁惠成王



八年惠成王伐邯鄲取列人者也於縣右合白渠
 故瀆白渠水水出魏郡武安縣欽口山東南流逕
 邯鄲縣南又東與拘潤水合水導源武始東山白
 渠北俗猶謂是水為拘河也白渠水又東又有牛
 首水入焉水出邯鄲縣西堵山東流分為二水洪
 湍雙逝澄映兩川漢景帝時六國悖逆命曲周侯
 酈寄攻趙圍邯鄲相捍七日引牛首拘水灌城城
 壞王自殺其水東入邯鄲城逕温明尉宋本作殿南漢
 世祖擒王郎幸邯鄲晝卧處也其水又東逕叢臺
 南六國時趙王之臺也郡國志曰邯鄲有叢臺故

劉劭趙郡當作都賦曰結雲閣於南宇立叢臺於少

陽者也今遺基舊墉尚在其水又東歷邯鄲阜張

婁所謂邯山在東城下者也曰單盡也城郭從邑

故加邑邯鄲之名蓋指此以立稱矣故趙郡治也

長沙脫一着字舊傳稱桓楷為趙郡太守嘗有遺囊粟

於路者行人掛囊粟於樹莫敢取之即於是處也

其水又東流出城又合成一川也又東澄而為渚

沁水東南涓宋本作流注拘潤水又東入白渠又東故

瀆出焉一水東為澤渚由梁縣之雞澤也國語所

謂雞丘矣東北通登宋本作澄湖白渠故瀆南出所在

枝分右出即邳溝也歷邳溝縣故城東蓋因溝以名宋本縣也地理風俗記曰即裴城西北二十里

有邳溝城故縣也又東逕肥鄉縣故城北竹書紀年曰梁惠王宋本作梁惠成王八年伐邳宋本有鄆字取肥者

也晉書地道記曰太康中立以隸廣平也渠道交徑互相纏縻與白渠同歸逕列人右會漳津今無

水地理志曰白渠東至列人入漳是也又東北過斥漳縣南

應劭曰其國斥鹵故曰斥漳漢獻帝建安十八年魏太祖鑿渠引漳水東入清洹以通河漕名曰利

漕渠漳津故瀆水舊斷溪東北出涓流濞玉篇云濞莫歷


切淺水也注而已尚書所謂覃懷底績至于衡漳者也

孔安國曰衡橫也言覃漳水橫流也又東北逕平恩縣故城西應劭曰縣故館陶之別鄉漢元帝元

康三年置以封后父許伯為侯國王莽更曰延平也

又東北過曲周縣東又東北過鉅鹿縣東衡漳故瀆東北逕南曲縣故城西地理志廣平有

曲周縣應劭曰平恩縣北四十里有南曲亭故縣也又逕曲周縣故城東地理志曰漢武帝建元四



年置王莽更名直周余按史記大將軍酈商以高祖六年封曲周縣為侯國又考史記孫云史記二字疑誤同是知曲周舊縣非始孝武蓋商冀州人在縣市補履數年人奇其不老求其術而不能得也衡漳又北逕巨橋祗閣西舊有大梁橫水故有巨橋之稱昔武王伐紂發巨橋之粟以賑殷之饑民服虔曰巨橋倉名鉅鹿水之大橋也今臨側水湄左右方一二里中狀若丘墟蓋遺囿故窖處也衡水又北逕鉅鹿縣故城東應劭曰鹿者林之大者也尚書曰堯將禪舜納之大麓之野烈風雷雨不迷致之以昭華之玉而縣取目焉路溫舒縣之東里人乃

宋本
作文

為里監門使溫舒牧羊澤中取蒲牒用寫書

即此澤也鉅鹿郡治秦始皇二十五年滅趙以為鉅鹿郡漢景帝中元元年為廣平郡武帝征和三年以封趙敬肅王子為廣平侯國世祖中興更為鉅鹿也鄭玄注尚書引地說云大河東北流過絳水千里至大陸為地腹如志之言大陸在鉅鹿地裡志曰水在安平信都鉅鹿與信都相去不容此數也水土之名變易世失其處見降水則以為絳水故依而廢讀或作絳字非也今河內北共山淇

水共水出焉東至魏郡黎陽入河近所謂降水也降讀當如城降于齊師之降蓋周時國於地者惡言降故改之共耳又今河所從去大陸遠矣館陶北屯氏河其故道與余按鄭玄據尚書有東過洛汭至于大伾北過降水至于大陸推次言之故以淇水爲降水共城爲降城所未詳也稽之羣書共縣故本共和之故國是有共名不惡降而更稱禹著山經淇出沮洳淇澳衛詩列目又遠當非改絳革爲今號但是水導源共出宋本北玄欲因成降議故以淇水爲降水耳卽如玄引地說黎陽鉅鹿

非千里之逕直信都於大陸者也唯屯氏北出館陶事近之矣按地理志云絳水發源屯留下亂章津是乃與章俱得通稱故水流間關所在著目信都復見絳名而東入于海尋其川脉無他殊瀆而衡漳舊道與屯相亂乃書有過降之地說與千里之誌卽之途致與書相鄰河之過降當應此矣下至大陸不異經說自甯迄于鉅鹿出于東北皆爲大陸語之纏絡厥勢眇矣九河旣播八牧代絕遺迹故稱往往時存故鬲般列於東北徒駭瀆聯漳絳同逆之狀粗分陂障之會猶在案經考瀆自安

故目矣漳水又歷經縣故城西水有故津謂之薄落津昔來本初還自易京上巳屆此率其賓從禊飲於斯津矣衡漳又逕沙丘臺東紂所成也在鉅鹿故城東北七十里趙武靈王與秦始皇並死於此矣又逕銅馬祠東漢光武廟更始三年秋光武追銅馬於館陶大破之遂降之賊不自安世祖令其歸營乃輕騎行其壘賊乃相謂曰蕭王推赤心置人腹中安得不投死乎遂將降人分配諸將衆數十萬人故關西號世祖曰銅馬帝也祠取名焉廟側有碑述河內脩武縣張導字景明以建和三

年為鉅鹿太守漳津汎濫土不稼穡導披按地圖

與丞彭參掾馬道嵩等原其逆順揆其表裏脩防

排通正水路謝云宋本作以正水路功績有成民用嘉賴題

云漳河神壇碑而俗老者儒猶謁當作謂斯廟為銅

馬劉神寺是碑頃因震裂餘半不可復識矣又逕

南宮縣故城西漢惠帝元年以封張越人子買為

侯國王莽之序中也其水與隅醴通為衡津又有

長蘆淫水之名絳水之稱矣今漳水既斷絳水非

復纏絡矣又北絳瀆出焉今無水故瀆東南逕九

門城南又東南逕南宮城北又東南逕繚城縣故


城北十三州志曰經縣東五十里有繚城故縣也
左逕安城南故信都之安城鄉也更始二年和城
太守邳彤與上會信都南安城鄉上大悅卽此處
也故瀆又東北逕辟陽亭漢高帝六年封審食其
爲侯國王莽之樂信也地理風俗記曰廣川西南
六十里有辟陽亭故縣也絳瀆又北逕信都城東
散入澤渚西至于信都城東連于廣川縣之張甲
故瀆同歸于海故地理志曰禹貢絳水在信都東
入于海也

又北過堂陽縣西

衡水自堰分爲二水其一水北出逕縣故城西世
祖自信都以四千人先攻堂陽降水者也水上有
梁謂之旅津渡商旅所濟故也其右水東北注出
石門門石崩禿餘基殆在謂之長蘆水蓋變引葭
之名也長蘆水東逕堂陽縣故城南應劭曰縣在
堂水之陽穀梁傳曰水北爲陽也今於故縣城南
更無別水唯是水東出可以當之斯水蓋包堂水
之兼稱矣長蘆水又東逕九門波謝云宋本作坡一作城故
縣也又東逕扶都縣故城南世祖建武三十年封
寇恂子楫爲侯國又東屈北逕信都縣故城西信


都郡治也漢高帝六年置景帝二年為廣川惠王
 越國王莽更為新博舊本作傳下同縣曰新博亭光武自
 薊至信都是也明帝永平十五年更名樂成安帝
 延光中改曰安平城內有漢冀州從事安平趙徵
 碑又有魏冀州刺史陳留丁紹碑青龍三年立城
 南有獻帝南巡碑其水側城北注又北逕安陽城
 東又北逕武陽城東三州志曰扶柳縣東北有
 武陽城故縣也又北為博廣池池多名蟹佳蝦歲
 貢王朝以克膳府又北逕下博縣故城東而北流
 注于衡水也

又東北過扶柳縣北又東北過信都縣西
 扶柳縣故城在信都城西衡水逕其西縣有扶澤
 澤中多柳故曰扶柳也衡水又北逕昌成縣故城
 西地理志曰信都有昌成縣舊本作昌城縣漢武帝以封
 城陽頃王子劉差舊本作差為侯國孫云史記城陽頃
 闕駟曰昌成本名阜成矣應劭曰堂陽縣北三十
 里有昌城故縣也世祖之下堂陽昌城人劉植率
 宗親子弟據邑以奉世祖是也又逕西梁縣故城
 東地理風俗記曰扶柳縣西北五十里有梁城故
 縣也世以為五梁城蓋字狀致謬耳衡漳又東北



逕桃縣故城北漢高祖十二年封劉襄為侯國王
 莽改之曰桓分也合斯汶故瀆斯汶水首受大白
 渠大白渠首受綿蔓水綿蔓水上承桃水水出樂
 平郡之上艾縣東流世謂之曰桃水東逕靖陽亭
 南故關城也及北流至宋本作逕井陘關下注澤發水
 亂流東北逕常山蒲吾縣西而桃水出焉南逕蒲
 吾縣故城西又東南流逕桑中縣故城北世謂之
 石勒城蓋趙氏增成之故擅其目又謂之高功城
 也地理志曰侯國也桃水又東南流逕綿蔓縣故
 城北王莽之綿延也世祖建武二年封郭况為侯

國自下通謂之綿蔓水綿蔓水又東流逕樂陽縣
 故城西右合井陘山水水出井陘山世謂之鹿泉
 水也東北流屈逕陳餘壘而俗謂之故壁城昔在
 楚漢韓信東入餘拒之於此不納左車之計悉眾
 西戰信遣奇兵自間道出立幟於其壘師奔失據
 遂死泚上其水又屈逕其壘南又南逕城西東注
 綿蔓水綿蔓水又屈從城南俗名曰臨清城非也
 地理志曰侯國矣王莽更之曰申苗者也東觀漢
 書曰光武侯宋本作使鄧禹發房子兵二千人以鉞期
 為偏將軍別攻真定宋子餘賊援樂陽稟肥壘者



也韓拔漢書光武自薊至信都使禹發奔命得數千人令自將之別攻拔樂陽則援字亦誤當作

拔 綿蔓水又東逕烏子堰枝津出焉又東為當作謂

之大白渠地理志所謂首受綿蔓水者也白渠水

又東南逕開縣故城北地理志曰常山之屬縣也

又東為成郎河水上有大梁謂之成郎橋又東逕

耿鄉南世祖封前將軍耿純為侯國世謂之宜安

城又東逕來宋本子縣故城北又謂之宋子河漢

高帝八年封許渼為侯國王莽更名宜子昔漸離

擊筑傳工自此入秦史記高漸離擊筑而歌宋子傳客之聞于秦始皇帝又

東逕敬武縣故城北按地理志曰鉅鹿之屬縣也

漢元帝封女敬武公主為湯沐邑闕駟十三州記

曰楊氏縣北四十里有武亭故縣也今其城實中

小邑耳故俗名之曰敬武壘即古邑也白渠又東

謂之斯浚水地理志曰大白渠東至曲陽入浚河

者也東分為二水枝津右出焉東南流謂之百尺


溝又東南逕和城北世謂之初丘城非也漢高帝

十一年封郎中公孫耳為侯國孫云按史記公孫耳封承成侯又

東南逕育城西漢高帝六年封呂博為侯國孫云按史

記年表有貫侯呂漢表貫侯合寓功封同此百尺云呂博互異未詳地志鉅鹿有貫縣無育縣

溝東南散流逕歷鄉東而南入泚湖東注衡水也



斯浚水自枝津東逕育城北又東積而為陂謂之陽縻淵淵水左納白渠枝水俗謂之祗水克家云疑作泚

水承白渠於藁縣之烏子堰又東逕肥纍縣之

故城南又東逕陳臺南臺甚寬廣今上陽臺屯居

之又東逕新豐城北按地理志云鉅鹿有新市縣

侯國也王莽更之曰樂市而無新豐之日所未詳

矣其水又東逕昔陽城南世謂之曰直陽城非也

本鼓聚矣春秋左傳昭公十五年晉荀吳帥師伐

鮮虞圍鼓三月鼓人請降穆子曰猶有食邑當作色

不許軍吏曰獲城而弗取勤民而頓兵何以事君

穆子曰獲一邑而教民怠將焉用邑邑以賈怠不

如完舊賈怠無卒棄舊不祥鼓人能事其君我亦

能事吾君率義不爽好惡不愆城可獲而民知義

所有死義而無二心左傳作所有死命而無二心不亦可乎鼓

人告食竭力盡而後取之克鼓而返不戮一人以

鼓子為鞮歸既獻而返之鼓子又叛荀吳略東陽

使師偽糴負甲急當作息於門襲而滅之以鼓子為

鞮歸使沙當作涉佗守之者也左傳昭二十二年鼓子又叛於鮮虞六月

荀吳略東陽使師偽糴者負甲以息於昔陽之門外遂襲鼓滅之以鼓子為鞮歸使涉佗守之

三州志曰今其城昔陽亭是矣京相璠曰白狄之

別也下曲陽有鼓聚故鼓子國也白渠泝水又東
 逕曲陽城北又逕安鄉縣故城南地理志曰侯國
 也又東逕育縣入斯汶水斯汶水又東逕西梁城
 南又東北逕樂信縣故城南地理志曰鉅鹿屬縣
 侯國也又東入衡水衡水又北為素譚渡蓋譚自
 鄴往還所由故濟得厥名

又東北過下博縣之西

衡水又北逕鄆縣故城東竹書紀年梁惠成王三
 十年秦封衛按當作鞅于鄆改名曰商即此是也故
 王莽改曰秦聚也地理風俗記曰縣北有鄆阜蓋

縣氏之又右逕下博縣故城西王莽改曰閏舊本作潤

博應劭曰太山有博故此加下漢光武自呼沱一作沱

沱南出至此失道不知所以遇白衣老父曰信都

為長安守去此八十里世祖赴之任光開門納為

當作馬漢氏中興始基之矣尋求父老不得議者以

為神衡漳又東北歷下博城西逶迤東北注謂之

九爭西逕樂鄉縣故城南王莽更之曰樂丘也又


東列葭水注也

又東北過阜城縣北又東北至昌亭與寧池一作河

會

經叙阜城於下博之下昌亭之上考地非比於婁
 為同勃海阜城又在東昌之東故知非也漳水又
 東北逕武邑郡南魏所置也又東逕武強縣北又
 東北逕武隧縣故城南按史記秦破趙將扈輅於
 武隧斬首十萬即於此處也在莽更名桓隧矣白
 馬河注之水上承雩池一作滹沱東逕樂鄉縣北饒陽
 縣南又東南逕武邑郡北而東入衡水謂之交津
 口衡漳又東逕武邑縣故城北王莽之順桓也晉
 武帝封子於縣以為王國後分武邑武隧觀津為
 武邑郡治此衡漳又東北右合張平口故溝上承

武強淵淵之西南之側水有武強縣故治故淵得
 其名焉東觀漢記曰光武拜王梁為大司空以為
 侯國耆宿云邑人有行於途者見一小蛇疑其有
 靈持而養之名曰擔生長而吞噬人里中患之遂
 捕繫獄擔生負而奔邑淪為湖縣長及吏咸為魚
 矣今縣治東北半許謝云宋本半許落水淵水又東南
 結而為湖又謂之郎君淵耆宿又言縣淪之日其
 子東奔又陷於此故淵得郎君之目矣淵水北通
 謂之石虎口又東北為張平澤澤水所泛北决堤
 口謂之張刀溝北注衡河謂之張平口亦曰張平



溝水溢溝水溢三字古本宋本俱無今吳本增之則南注水耗則輟流

衡漳又逕東昌縣故城北經所謂昌亭也王莽之

田昌也俗名之東相蓋相昌聲韻合故致茲誤矣

西有昌城故目是城為東昌矣衡漳又東北左會

雩池一作滹故瀆謂之合口衡漳又東北分為二川

當其水決謝兆申云舊本作決吳本作決水滂決也處名之曰李聰渙

又東北至樂成陵縣別出北

衡漳於縣無別出之瀆縣北者乃雩池一作滹別

水分雩池故瀆之所纏絡也衡漳又東分為二水

左出為向氏口溝水自始宋本作此決水也衡漳又東

逕弓高縣故城北漢高帝封韓信兄子韓曠當為

侯國王莽之樂成亭也衡漳又東北右合柏梁澹

水上承李聰渙東北為柏梁澹東逕扶領縣故城

南漢武帝元朔三年封廣川王子劉嘉為侯國孫

按史記劉嘉封蒲領侯地理風俗記云脩縣西北八十里有

蒲領鄉故縣也又東北會桑杜宋本作桑社枝津又東

北逕弓高城北又東注衡漳謂之柏梁口衡漳又

東北右會桑杜溝溝上承從陂世盧達宋本作世稱盧達

從薄亦謂之訶摩河東南通清河西北達衡水春

秋兩泛兩泛字誤當作兩泛漳澤津渚今觀津城北方二十

水經注卷之四十四 四百三十四

里盡為澤數蓋水所鍾也其瀆逕觀津縣故城北
樂毅自燕降趙封之於此邑號望諸君王莽之朔

定亭也又南屈東逕竇氏青山南側隄東出青山
即漢文帝竇后父少翁冢也即是縣人

謝兆申云宋本作少
而死者景帝立后遣使者填以葬父起大墳於觀津

城東南故名舊本作民號曰青山也又東逕董仲舒廟

不輟舊溝又東逕脩市縣故城北謝兆申云宋本作脩市縣隄按

年封清河綱王子劉寅為侯國漢書王子侯表云封清河綱王子寅

城非也地理風俗記曰循縣西北二十里有脩市

城故縣也又東會從陂陂水南北十里東西六十

步子午潭漲淵而不流亦謂之桑杜淵從陂南出

夾堤東派逕循縣故城北東合清漳漳泛則北注

澤盛則南播津流上下互相逕道從陂陂埤云前有陂南

西而北注柏梁澹一川東逕弓高城南又東北陽


津清宋本作溝水出焉左瀆北入衡漳謂之陽決口衡

水經注卷之四十四

水東逕阜城縣故城北樂成縣故城南河間郡治
 地理志曰故趙也漢文帝別為國應劭曰在兩河
 之間也景帝九年封子德為河間王是為獻王王
 莽更名郡曰朔定縣曰陸信褚先生曰漢宣帝地
 節三年封大將軍霍光兄子山為侯國也漢宣帝
 封子開於此漢桓帝追尊祖父孝王開為孝穆王
 以其邑奉山陵故加陵曰樂陵也今城中有故池
 方八十步舊引衡水北入城注池池北對層臺基
 隍荒蕪示存古意也

又東北過成平縣南合清河吳瑄本增此合清河三字

衡水又東逕建成縣故城南按地理志故屬勃海
 郡褚先生曰漢昭帝元鳳三年封丞相黃霸為侯
 國也孫云按史記功臣年表宣帝元鳳三年黃霸封建成侯成平縣故城在
 北漢武帝元朔三年封河間獻王子劉禮為侯國
 王莽之澤亭也城南北相直衡漳又東右會楊津
 溝水自澤水東逕阜城南地理志勃海有阜城縣
 王莽更名吾城者非經所謂阜成也建武十五年
 世祖更封大司馬王梁為侯國陽津溝水又東北
 逕建成縣左入衡水謂之陽津口衡漳又東左會
 雩池一作滹池別河故瀆又東北入清河謂之合口又



逕南皮縣之北皮亭而東北逕浮陽縣西東北注之

又東北過章武縣西又東北過平舒縣南東入海

清漳自章武縣故城西故滅邑也枝瀆出焉謂之

滅水東北逕叅后亭分為二瀆應劭曰平舒縣西

南五十里有叅后亭故縣也世謂之平虜城枝水

又東注謂之蔡伏溝又東積而為淀一水逕亭北

又逕東平舒縣故城南代郡有平舒城故加東地

地理志曰勃海之屬縣也魏土地記曰章武郡治故

世以為章武故城非也又東北分為二水一疑脫一水

字右出為澱一水北注呼池一作滹沱謂之滅口清漳

亂流而東注于海

清漳水出上黨沾縣西北少山大黽谷南過縣西又

從縣南屈

淮南子曰清漳出揭矣山高誘云山在沾縣今清

漳出沾縣故城東北俗謂之漳山漢分沾縣為樂

平郡治沾縣水出樂平郡沾縣界故晉太康地記

曰樂平縣舊名清漳縣漢之故矣謝云宋本作其漢之故名

山亦曰鹿谷山水出大要谷南流逕沾縣故城東


不歷其西也又南逕昔陽城左傳昭十二年晉

荀吳偽會齊師者假道於鮮虞遂入晉陽杜預曰
 樂平沾縣東有昔陽城者是也其水又南得梁榆
 水口水出梁榆城西大嶸山水有二源北水東南
 流逕其城東南注南水南水亦出西山東逕文當
 城北又東北逕梁榆城南即闕與故城也秦伐韓
 闕與惠文王使趙奢敵宋本作救或作攻之奢納許歷之
 說破秦於闕與謂此也司馬彪袁松郡國志並言
 涅縣有闕與聚盧諶征艱賦曰訪梁榆之虛郭謝
宋本作弔闕與之舊平桓亦云埤按桓字誤似是
虛郭闕與今梁榆城是也漢高帝八年封馮解散宋本
作敢

為闕氏侯國其水右合此謝云宋本作右合北水
此字當作北脫一水字
 北水又東南入于清漳清漳又東南與轅水相得
 轅水出轅河縣西北轅山南流逕轅河縣故城西
 南東流至粟城注于清漳也

東過沙縣西屈從縣南
 按地理志云魏郡之屬縣也漳水於此有涉之稱
 名因地變也

東至武安縣南黍容邑入于濁漳謝云此下疑脫
注宋本亦無注



水經注箋卷第十

水經注箋卷第十一

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

易水 涇水

易水出涿郡故安縣閭鄉西山

孫云涿郡今京師涿州故安今保定易州

易水出西山寬中谷東逕五大夫城南昔北平侯

王譚不同王莽之政子興生五子並避時亂隱居

此山故其舊居世以為五大夫城即此岳讚云五


王在中麗葛建績者也

謝兆申云宋作麗葛連續

易水東左

與子莊溪水合水北出子莊關南流逕五公城西
 屈逕其城南五公猶王興之五子也光武即帝位
 封為五侯元才北平侯益才安喜侯顯才蒲陰侯
 仲才新市侯季才為唐侯所謂中山之五王也俗
 又以五公名居矣二館之城二館謂樊於期館澗
 荆軻館並有一城
 曲泉清山高林茂風煙披薄觸目怡情方外之士
 尚憑依舊居取暢林木一作水其水東南入于易水
 易水又右會女思谷水水出西南女思澗東北流
 注于易謂之三會口易水又東屈關門城西南即
 燕之長城門也與樊石山水合水源西出廣昌鄉

縣之樊石山東流逕覆釜山下東流注于易水易
 水又東歷燕之長城又東逕漸離城南蓋太子丹
 館高漸離處也易水又東逕武陽南蓋易自寬中
 歷武夫關東出是兼武水之稱故燕之下都擅武
 陽之名左得濡水枝津故瀆武陽大城東南小城
 即故安縣之故城也漢文帝封丞相申屠嘉為侯
 國城東西二里南北一里半高誘云易水逕故安
 城南外東流即斯水也誘是涿人事明經證今水
 破城東南隅世又謂易水為故安河武陽蓋燕昭
 王之所城也東西二十里南北十七里故傳逮述



遊賦曰出北薊歷良鄉登金臺觀武陽兩城遼郭
宋本作遼廓舊迹宜芒蓋謂是處也易水東流而出於
范陽

東過范陽縣南又東過容城縣南

易水逕出范陽縣故城秦末張耳陳餘為陳勝略

地燕命趙

埤按史記當作略地燕趙今倒一字

蒯通說之范陽先下

是也漢景帝中元三年封匈奴降王代為侯國王

莽之通順也易水又東與濡水合出故安縣西北

窮獨山南谷東流與源泉水合水發北溪東西北

注濡水濡水又東南逕樊於期館西是其授首於

荆軻處也濡水又東南流逕荆軻館北昔燕丹納

田生

宋本作光

之言尊軻上卿館之於此二城並廣一

里許俱在罍

當作岡

阜之上上邪而下方濡水又東

逕

孫云逕下疑脫一范字

陽城西北舊竭濡水枝流南入城

逕相冢西冢巨城側耶水塘也

宋本作卽水塘也

四周塋

城

宋本作城

深廣有若城焉其水側有數陵墳高壯望

若青丘詢之古老訪之史籍並無文證以私情求

之當是燕都之前故墳也或言燕之墳塋斯不然

矣其水之故瀆南出屈而東轉又分為二瀆一水

東注金臺陂一水逕故安城西側城南注易水夾

塘崇峻邃岸高深左右百步一釣臺參差交峙

宋本

作峙迢遞相望更為佳觀矣其一水東出金臺陂東

西六七十步南有金

有金二字疑衍

北五十步側陂西北

有釣臺高丈餘

埤按太平御覽引水經注云金臺陂東西六七里南北五十步陂側

西北有釣臺高十丈

方可四十步陂北十餘步有金臺臺上

東西八十許步南北如減高十餘丈昔慕容垂之

為范陽也戍之即此臺北有蘭馬臺並悉高數丈

秀峙相對翼臺左右水流經通長廡廣宇周施浦

渚

埤按御覽作周旋陂浦宋本作周旋被浦

棟堵咸淪柱礎尚存是其

基構可得而尋意欲圖還上京阻於行旅造次不

獲遂心訪諸耆舊咸言昭王禮賓廣延方士至如

郭隗樂毅之徒鄒衍劇辛之儔宦遊歷說之民自

遠而屆者多矣不欲令諸侯之客伺隙燕邦故修

連下都

御覽作修建下都宋本同

館之南垂言燕昭創之於前

子丹踵之於後故雕牆敗館尚傳鐫刻之名雖無

紀可憑察其古跡似符傳矣

御覽作雖無經記可憑察其古跡似符宿

傳濡水自堰又東逕紫池堡西屈而北流又有渾

塘溝水注之水出迺縣西

迺舊本作酉漢地志作迺屬涿郡注云迺古迺

字白馬山南溪中東南流入濡水濡水又東至塞

口古纍石堰水處也濡水舊枝分南入城東大陂

陂方四里今無水陂內有泉淵而不流際池北側俗謂聖女泉濡水又東得白楊水口

孫云疑作水

出道

縣之西山白楊嶺下東南流入濡水時人謂之虎

眼泉也濡水東合檀山水水道縣西北

宋本作水出道縣西

北檀山西南南流與石泉水會水出石泉固東南

隅水廣二十許步深三丈固在衆山之內平川之

中四周絕澗阻水八丈有餘石高五丈石上赤土

又高一丈四壁直立上廣四十五步水之不周者

路不容軌僅通人馬謂之石泉固固上宿有白楊

寺是白楊山神也寺側林木交蔭叢柯隱景沙門

釋法澄建刹於其上更為思亥

當作亥

之勝處也其

水南流注于檀水故俗有并溝之稱矣其水又東

南流歷故安縣北而南注濡水又東南流於容城

縣西北大利亭東南合易水而注巨馬水也故地

裡志曰故安縣閭鄉易水所出至范陽入濡水關

駟亦言是矣又曰濡水合渠許慎曰濡水入深深

渠

許氏說文云濡水出涿郡故安東入涿涑

二號即巨馬之異名然二

易俱出一鄉同入濡水南濡北易至涿郡范陽縣

會北濡又並亂流入涑

古本作亂流入沫疑此沫字當作涑字說文可據吳

本改作是則易水與諸水互攝通稱東逕容成縣

入涑

故城北渾濤東注至勃海平舒縣與易水合闕駟
曰涿郡西界代之易水而是水出代郡廣昌縣東

南郎山東北燕王仙臺東臺有三峰甚為崇峻騰

雲冠峰高霞翼嶺岫壑冲深合煙罩霧宋本作合

者舊言燕昭王求仙處其東謂之石虎罝當作范

曄漢書云中山簡王之窆也後其葬採涿郡山石

以樹墳塋埤云後字誤當作厚按後漢書中山簡

王薨詔重其禮大為修冢塋開神道平

夷吏人家墓以千數作者萬餘人發常山鉅鹿涿

郡柏黃腸雜木三郡不能備復調餘州郡工徒及

送致者數千人陵隧碑獸並出此山謂之石虎山

山有所遺二石虎後人因以名罝當作之東麓即

泉源所導也經所謂閻鄉曲詳經文當作其水東

流有苾水南會渾波同注俗謂之為雹河司馬彪

郡國志曰雹水出故安縣世祖令耿況擊故安西

山賊吳耐蠡符雹上十餘營皆破之即是水者也

易水又東逕孔山北山下有鍾乳穴穴出佳乳探

者篝火尋路古本作篝火尋炒謝云一作沙汝澄

言也出穴而去土入穴里許渡一水潛通流注其

深可涉於中衆穴奇分令出入者疑迷不知所趣

每於疑路必有歷記返者乃尋孔以自達矣上又

有大孔壑達洞開故以孔山為名也其水又東逕

西故安城其所謝云其所宋本作南即閻鄉城也歷逕荆陘

北者舊云燕丹餞荆軻於此因而名焉世代已遠

非所詳也遺名舊傳不容不詮庶廣後人傳聞之

聽易水又東流屈逕長城西又東流南過武遂縣

南新城縣北史記曰趙將李牧伐燕取武遂方城

是也俗又謂水為武遂津津北對長城門謂之分

門史記趙世家云孝成十九年趙與燕易以龍兌

汾門與燕燕以葛城武陽與趙即此也亦曰分門

門韓云此分門門字疑有脫誤據郡國志云涿郡北新城有汾水門恐當從此又謂之

梁門矣易水東分為梁門陂易水又東梁門陂水

注之水上承易水於梁門東入長城東北入陂陂

水北接范陽陂陂在范陽城西十里方一十五里

俗亦謂之為鹽臺陂陂水南通梁門淀方三里淀

水東南流出長注易宋本作易水謂之范水易水自下

有范水通目又東逕范陽縣故城南即應劭所謂

范水之陽也易水又逕樊輿縣故城北漢武帝元

朔五年封中山靖王子劉條為侯國王莽更名握

符矣地理風俗記曰北新城縣東二十里有有克家

云有字樊輿亭故縣也易水東逕容城縣故城南

漢高帝六年封趙將夕一作夜於深澤景帝中元三

年以封匈奴降王携徐盧於容城皆為侯國史記按

云趙將夜封深澤侯匈奴降王唯徐盧封容城侯漢書作趙將夕携徐盧酈注據史記而吳瑄依漢

書改王莽更名深澤易水又東渥水注之其水上

承二陂於容城縣東南謂之大渥澱小渥澱水南

流注易水謂之渥同口水側有渾渥城易水逕其

南東合涑水故桑欽曰易水出北新城城北東入

涑自下涑易五受通稱矣宋本作互受通稱易水又東逕

易京南漢末公孫瓚害劉虞於薊下時童謠云燕

南垂趙北際唯有此中可避世瓚以易地當之故

自薊徙臨易水謂之易京城在易城西四五里趙

建武四年石虎自遼西南達易京以京鄣至固令

二萬人廢壞之今者地壁夷平其樓基尚存猶高

一匹餘小爾雅云二丈為兩倍兩為匹是四丈為一匹也基上有井世名

易京樓即瓚所堡也故瓚所與子書云袁氏之攻

狀若鬼神衝梯舞于樓上鼓角鳴于地中即此樓

也易水又東逕易縣故城南昔燕文公徙易即此

城也闕駟稱太子子丹遣荆軻刺秦王與賓客知

謀者祖道于易水上燕太子稱荆入秦太子與知

謀者謝兆申云宋本無燕太子稱以下十三字當刪之皆素衣冠送之於

易水之上荆歌宋本作軻起為壽歌曰風蕭蕭兮易水

寒壯士一去兮不復還漸離擊筑宋本作高漸離宋如意

知之燕策史記俱無宋意事唯陶淵明詠荆軻為詩云漸離擊悲筑宋意唱高聲與此有之為

壯聲士髮皆衝冠為哀聲士皆流涕疑於此也余

按遺傳舊跡多在武陽似不餞此也漢景帝中元

三年封匈奴降王僕隳為侯國也僕隳舊本作僕隳按漢功臣

表注云黠音但今吳本改作僕隳誤

又東過安次縣南埤按漢地理志安次縣屬勃海郡孫云安次今東安縣

易水逕縣南鄭縣故城北謝云鄭縣宋本作鄭縣孫云鄭在今任丘縣北

東至文安縣與雩池一作滹池合史記蘇秦曰燕長城

以北易水以南正謂此水也是以班固闔駟之徒

咸以斯水謂之南易

又東過束州縣南東入于海埤按漢地理志束州亦屬勃海郡古本作泉州

誤也孫云束州縣在今河間縣境內

經書水之所歷泆次注海也

滹水出代郡靈丘縣高氏山孫云高氏山海經作高是

即温夷之水也出縣西北高氏山埤云温夷字誤當作嘔夷周禮

并州之川曰滹池嘔夷前漢地理志云代郡靈丘縣滹水河東至文安入大河過郡五行九百四十二里并州川也鄭司農曰嘔夷即祈夷水出平舒縣平舒亦屬代郡山海經曰高氏

之山滹水出焉東流經宋本作注于河者也其水東南

流山上有石銘題言冀州北界故世謂之石銘陁

也其水又南逕曰候候塘川名也

埤謂當作又南逕候塘候塘川

名也又東合溫泉水水出西北暄谷其水溫熱若湯

能愈百疾故世謂之溫泉焉東南流逕興豆亭北

亭在南原上欹傾而不正故世以欹城目之東流

注于滄水又東泉水注之水導源莎泉南流水側

有莎泉亭東南入于滄水又東逕靈丘縣故城南

水中自源南注滄水應劭曰趙武靈王葬其東南

二十里故縣氏之縣古屬代漢靈帝光和元年中

山相滅泉舊本作滅泉上請別屬也地理志曰靈丘之

號在武靈王之前矣又按司馬遷趙敬侯二年敗

齊於靈丘史記六國表云趙敬侯九年伐齊至靈丘則名不因靈王事

如漢注滄水自縣南流入峽謂之隘門設隘於峽

以譏禁行旅歷南山高峰隱天深溪埒谷其水沿

澗西轉逕御射臺南臺在北阜上臺南有御射石

碑南則秀鄣分霄層崖刺天積石之峻壁立直上

車駕公葦公葦字未詳蓋言習射之事每出所遊藝焉滄水西

流又南轉東屈逕北海王祥之石碣南詳舊本作詳後魏書

北海王名詳獻文皇帝之子也吳本改為王祥誤御所屈石柱北而南流


者也

南過廣昌縣南

宋本作東南過廣昌縣南一作又南

涇水東逕嘉牙川川有一水南來注之水出恒山
 北麓雖川三合逕嘉牙亭東而北流注于涇水水
 之北山行即廣昌縣界涇水又東逕倒馬關關山
 險隘是為深峭勢均詩人高岡之病良馬傳嶮之
 行軒故關受其名焉關水出西南長溪下東北歷
 關注涇涇水南山上起御坐於松園建祗洹於東
 圃東北二面古本云起御坐於松園建祗洹東圃
北二面岫鄣高深謝朓申云宋本無
東字疑當作建祗洹
園東北二面云云岫鄣高深霞峰隱日水望澄
 明淵無潛甲行李所逕鮮不徘徊忘返矣
 又東南過中山上曲陽縣北恒水從西來注之

涇水自倒馬關南流與大嶺水合水出山西南大
 嶺下東北流出峽峽右山則有祗洹精廬飛陸陵
 山丹盤虹梁克家云疑作
丹虹盤梁長津泛瀾縈帶其下東
 北流注于涇涇水又屈而東合兩嶺溪水水出恒
 山北阜東北流歷兩嶺間北嶺雖層陵雲舉猶不
 若南巒峭秀自水南步遠峯石磴逶迤沿途九曲
 歷睇諸山咸為劣矣抑亦羊腸邛來之類者也按
高誘呂覽注云羊腸山盤紆如羊腸在太原晉陽
北又注淮南子云羊腸坂是太行孟門之限也華
陽國志曰邛嶽山本名邛笮其巖阻峻迴
曲九折乃至山上凝冰夏結冬則劇寒齊宋通
 和路出其間其水東北流注于涇水又東左合懸



水水出山原岫盤谷輕湍濬下分石飛懸水一匹
有餘直灌山際白波奮流自成潭渚其水東南流
揚湍注于滄滄水又東流歷山世謂是處為鴻頭
疑卽晉書地道記所謂鴻上關者也關尉治北平
而畫塞於望都東北云謝云宋本作去北平不遠兼縣上
所拯也滄水於是左納鴻上水水出西北近溪東
南流注于滄水也

又東過唐縣南

滄水又東逕左人城南應劭曰中人城西北四十
里亦或謂之為唐水也水出中山城之西如謝云宋本

無如字北城內有小山在城西側水銳山若委粟焉

疑卽地道記所云望都縣有委粟關也俗以山在

邑中故亦謂之中山城以城中有山之木當作目因

復謂之為廣唐城也故中山記以為中人城又以

為鼓聚殊為乖謬矣言城中有山故曰中人山也


中山郡治京相璠曰今中山望都里二十里有故

中人城埤云望都里當作望都西北按杜預左傳注云望都縣西北有中人城望都

城東有一城名堯始城本無中山之傳璠或以為

中人所未詳也中山記所言中人者城東去望都

故城一十餘里二十里則減但苦其不東觀矣謝云



其不矣三字疑有脫誤異說咸為爽矣今此城於盧奴城北

如西六十里城之西北泉源所導西逕根山孫云當作

狼山北郎唐音讀近實兼唐水之稱西流歷左人亭

注涇水又東左會一水水出中山城北郎中阜下

亦謂之唐水也然於城非西在疑作北又名之為雹

水又兼二名焉西南流入涇並所未詳蓋傳疑耳

涇水又東恒水從西來注之自下涇水兼納恒川

之通稱焉即禹貢所謂恒衛既從也涇水又東右

苞馬溺水水出上曲陽城東北馬溺水東北流逕

伏亭晉書地道記曰望都縣有馬溺關中山記曰

八渡馬溺是山曲要害之地一一關勢帶接疑斯

城即是關尉宿治異日之來非所詳矣馬溺水又

東流注于涇涇水又東逕中人亭南春秋左傳昭

公十三年晉荀吳率師侵鮮虞及中人大獲而歸

者也涇水又東逕京丘北世謂之京南對漢頃王

陵涇水北對君子岸岸上有哀王子憲王陵坎下

有泉源積水亦曰泉上岸涇水又東逕白土北南

即靖王子康王陵三墳並列者是矣漳按漢諸侯王表中山頃

王名輔是中山哀王之孫而中山憲王福是中山頃王之

頃王之子而康王昆侈則是中山哀王之子中山靖王之

孫也涇水又東逕樂羊城北史記稱魏文侯脫

水經注

卷十一

十一

臣

使樂羊滅中山蓋其故城中山所道謝云宋本作造也故

城得其名涿水又東逕唐縣故城南北二城俱在

涿水之陽故曰涿水逕其東城西又有一水導源

盧奴縣之西北是城西平城之地泉湧而出俗亦

謂之為唐水也東流至唐城西北隅塌而為湖俗

謂之唐池蓮荷被水勝遊多萃其上信為嬉處也

其水南入小溝下注涿水自上歷下通禪唐川之

兼稱焉應劭地理風俗記曰唐縣西四十里得中

人亭今於此城取中人鄉則四十也郡國志唐縣有中人亭注

引博物記云唐關在中人西唐水在西北入涿與

應符合又言堯山者在南則無山以擬之為非也

闕駟十三州志曰山治盧奴唐縣故城當作城在國

北七十五里駟所說此則非也史記曰帝嚳氏沒

帝堯氏作始封於唐望都縣在南今此城南對盧

奴故城自外無城以應之考古今知謝云疑作知今事義

全違俗名望都故城則八十許里距中山城則七

十里驗途推邑宜為唐城城北去山五里與七十

五里之說相符然則俗謂之都香山即是堯山在

唐東北望都界皇甫謐曰堯山一名豆山埤按白皇甫謐帝

王世紀曰堯封唐堯山在北唐水西入河南有望都山即堯母慶都所居相去五十里都山一名豆

山今山於城北而如東嶄絕孤峙唐牙桀立唐牙當作

虎牙嶄按鮑照河清頌曰輔車鼎足磐石虎牙山南有堯廟是卽堯所登

之山者也地理志曰堯山在南今考此城之南又

無山以應之是故先後論者咸以地理之說為失

又卽俗說以唐城為望都城者自北無城以擬之

假復有之途程紆疑脫一遠字山河之狀全乖古證傳

為疎罔是城西北豆山西足有一泉源東北流逕

豆山下合蘇水亂流轉注東入滄是豈唐水乎所

未詳也又於是城之南如東一十餘里有一城俗

謂之高昌縣城或望都之故城也故縣目曰望都

縣在唐南昌當作高昌南皇甫謐曰相去五十里稽諸

城地猶十五里蓋書誤耳此城之東有山孤峙世

以山不連陵名之曰孤山孤都聲相近疑卽所謂

都山也帝王世紀曰堯母慶都所居張晏曰堯山

在北堯母慶都山在南登堯山見都山故望都縣


以為名也唐亦中山城也為武公之國周同姓其

後桓公不恤國政周王問太史餘曰今之諸侯孰

先亡乎對曰天生民而令有別所以異禽獸也今

中山淫昏康樂逞慾無度其先亡矣後二年果滅

魏文侯以封太子擊也漢高祖立中山郡景帝三



年為侯國王莽之常山也魏皇始二年破中山立
 安州天興三年改曰定州治水南脫一奴縣之故
 城周之衰也國有赤狄之難齊桓霸諸侯疆理邑
 土遣管仲攘戎狄築城以固之地理志曰盧水出
 北平疑為疎闊闕駟應劭之徒咸亦謂是矣余按
 盧奴城內西北隅有水淵而不流南北一百步東
 西百餘步水色正黑俗名曰黑水池或云黑水口
當作 盧不流曰奴後漢書紀注引此注云 故城北
曰 藉水以取名矣池水東北際水有漢王故宮處臺
 殿觀榭皆上國之制簡王尊貴壯麗有加始築兩

宮開四門穿城北一作北城累石竇通涿唐水流于城
 中造魚池釣臺戲馬之觀歲久頽毀遺基尚存今
 悉加上疑作土為刹利靈圖池之四周民居駢比填
 徧穢陋而泉源不絕暨趙石建武七年遣北中郎
 將始築小城興起北榭立宮造殿後燕因其故宮
 建都中山小城之南更築隔城興復宮觀今府榭
 猶傳故制昔耿昭伯歸世祖於此處也按後漢書耿弇字
伯昭扶風茂陵人聞光武在盧奴乃馳北上謁 涿水之右憲謝云宋本 水
 注之上承城內憲水池自漠及燕涿涿水逕石竇
 石竇既毀池道亦絕水潛流出城潭積微一作微 漲
洛

水經注卷之十一
 十一
 四

渭

埤云渭字誤宋本作渭以其潛流故渭渭然細也

水東北注于涇涇水

又東逕漢哀王陵北冢有二墳故世謂之兩女陵

非也哀王是靖王之孫康王之子也涇水又東右

會長星溝溝在上曲陽縣西北長星渚渚水東流

又合洛光木水出洛光涓東入長星水亂流東逕

恒山下廟北漢末喪亂山道不通此舊有下階神

殿中世以來歲書法族焉晉魏改有東西二廟廟

前有碑闕壇場相列焉其水東逕上曲陽縣故城

北本岳牧朝宿之邑也古者天子巡狩常以歲十

一月至于北岳侯伯皆有湯沐邑以自齊潔周昭

王南征不還巡狩禮廢邑郭仍存秦罷井田因以

立縣縣在山曲之陽是曰曲陽有下故此為上矣

王莽之常山亭也又東南流胡泉水注之受胡泉

逕上曲陽縣南又東逕平樂亭北左會長星川東

南逕盧奴城南又東北川渠之左有張氏墓冢有

漢上谷太守議郎張平仲碑光和中立川渠又東

北合涇水水有窮通不常津注

又東逕安喜縣南

縣故安險也其地臨嶮有井塗之難漢武帝元朔

五年封中山靖王子劉應為侯國王莽更名寧嶮

漢章帝改曰安嶮中山記曰縣在唐水之西山高岸嶮故曰安嶮邑豐民安改曰安喜秦氏建元中唐水汎長宋本作漲高岸崩頽城角之下有大積木交橫如梁柱焉後燕之初此木尚在未知所從余考記稽疑蓋城池當初山水湔盪漂淪巨楫阜積於斯沙息壤加以城池謝云宋本作加以成地板築旣興物固能久耳涇水又東逕鄉城北有舊盧奴之鄉也中山記曰盧奴有三鄉斯其一焉後隸安喜城郭南有漢朝時孝子王立碑

又東過安國縣北

涇水歷縣東分爲二水一水枝分東南流逕解瀆亭南漢順帝陽嘉元年封河間孝王子淑於解瀆亭爲侯國孫宏卽靈帝也又東南逕任丘城南又東南逕安郭亭南漢武帝元朔五年封中山靖王子劉傳富爲侯國漢書王子侯表安郭于侯傳富中山靖王子也古本作劉博字誤其水又東南流入于平池宋本作滹沱涇水又東北流逕解瀆亭北而東北注之矣

又東過博陵縣南

涇水東北逕蠡吾縣故城南地理風俗志曰縣故饒陽之下鄉者也自河間分屬博陵漢安帝永初

七年封河間王開子翼為都鄉侯順帝永建五年
 更為侯國也又逕博陵縣故城南即古陸城漢武
 帝元朔二年封中山靖王子劉貞為侯國者也地
 理風俗記曰博陵縣史記蠡吾故縣矣漢質帝本
 初元年繼孝冲為帝追尊父翼陵曰博陵因以為
 縣又置郡焉漢末罷還安平晉太始年復為郡今
 謂是城為野城涑水又東北逕侯世縣故南城謝
疑作故城南又東北逕陵陽亭東又北左會博水水出
 望都縣東南流逕其縣故城南王莽更名曰順調
 矣又東南潛入地下博水又東南於瀆重源湧發

東南逕三梁亭南疑即古勺梁也竹書紀年曰燕

人伐趙圍濁鹿趙靈王及代人救濁鹿敗燕師于

勺梁者也古本作敗燕師于勺燕而竹書但云今

廣昌東嶺之東有山俗名之曰濁鹿羅地地埤云

地字有脫不遠土勢相隣以此推之或近是矣所

未詳也博水又東南逕穀梁亭南又東逕陽城縣

散為澤渚渚水渚漲謝云宋本作渚水渚張方數里匪直蒲

筍是豐實亦偏饒菱藕至若變童州角古本作變童州及當

是州少之譌吳改作州角弱年女子一作患子音宰或單舟採菱或疊

舸折艾當作菱長歌陽春愛深淥水掇拾者不言疲

謠誄者自自下疑脫于時行旅過矚亦有慰於羈

望矣世謂之為陽城澗也陽城縣故城近在西北

故陂得其名焉郡國志曰蒲陰縣有陽城者也今

城在縣東南三十里其水又伏流循瀆屆清梁亭

西北重源又發博水又東逕自隄亭南又東逕廣

望縣故城北漢武帝元朔二年封中山靖王子劉

忠為侯國漢書王子侯表中山靖王子忠封廣望侯又東合岫古本岫作堀溝

溝上承清梁陂又北逕清源城東即將梁也漢武

帝元朔二年封中山靖王子劉朝平為侯國王子侯表

云中山靖王子朝平封將梁侯其水東北入博水博水又東北左

則濡水注之水出蒲陰縣西昌安郭南中山記曰

郭東有舜氏甘泉有舜及二妃祠稽諸子傳記無

聞此處世代又謝云宋本又疑作父遠異說之來於是乎

在矣其水自源東逕其縣故城南枉渚迴湍率多

曲復亦謂之為曲逆水也張晏曰湍水於城北曲

而西流是受此名故縣亦因水名而氏曲逆矣春

秋左傳哀公四年齊國夏伐晉取曲逆是也漢高


帝擊韓王信自代過曲逆上其城望室宇甚多曰

壯哉吾行天下唯雒陽與是耳詔以封陳平為曲

逆侯王莽更名順平濡水又東與蘇水合水出縣

西南近山東北流逕堯始亭南又東逕其縣入湍
 湍水又東得蒲水口水出西北蒲陽山西南流積
 水成淵東西一百步南北百餘步深而不測其水
 又東南流水側有古神祠世謂之為百祠亦曰蒲
 上祠所未詳也又南逕安陽亭東晉書地道記曰
 蒲陰縣有安陽關蓋安陽關都尉治世俗名斯川
 為安陽壙蒲水又東南歷壙逕安陽關下名關壙
 為唐頭坂出關北流又東流逕夏屋故城實中嶮
 絕竹書紀年曰魏殷臣趙公孫衷伐燕還取夏屋
 城曲逆者也其城東側因河仍墉築一城世謂之

寡婦城賈復從光武追銅馬五幡於北平所作也
 世俗音轉故有是名矣其水又東南流逕蒲陰縣
 故城北地理志曰城在蒲水之陰漢章帝章和二
 年行巡北岳以曲逆名不善因山水之名改曰蒲
 陰焉水右合魚水水出北平縣西南魚山山石善
 巨焉水發其下魚山以下疑有譌誤故世俗以物色名川又
 東流注于蒲水又東入濡故地理志曰蒲水蘇水
 並從縣東入濡水漢地理志中山國曲逆縣注云蒲水出蒲陽山東入濡又有蘇水亦東入濡又東北逕樂城南又東入博水自下博水
 亦兼濡水通稱矣春秋昭公七年齊與燕會于濡



水杜預曰濡水出高陽當作縣東北至河間鄭縣

謝云宋本作鄭縣漳按郡國志河間郡有鄭縣故屬承此鄭字誤入易水是濡水

與雩池當作滹沱當作寇易互舉通稱矣地理志曰博水東

至高陽入河博水又東北徐水注之水西出廣昌

縣東南大嶺下世謂之廣昌嶺嶺高四十餘里二

十里中委折五迴方得達其上嶺故嶺有五迴之

名下望層山盛若蟻蛭謝云宋本作咸若蟻蛭實兼孤山之

稱亦峻嶮也謝云峻嶮疑作峻嶮徐水三源奇發齊瀉一澗

東流北轉逕東山下水西有御射碑徐水又北流

西屈逕南巖下水陰又有一碑徐水又隨山南轉

逕東巖下水際又有一碑凡此三銘皆翼對層巖

巖郭深高壁立霞時宋本作時石文云皇帝以太延元

年十二月車駕東巡逕五迴之嶮途覽崇岸之竦

峙乃停駕路側援弓而射之飛矢踰于巖山刊石

用讚元功夾碑並有層臺二所即御射處也碑陰

皆列樹碑官名徐水屈東北逕郎山又屈逕其山

南岑山岑競舉若豎鳥翅立石斬巖亦如劍杪極

地嶮之崇峭漢武之世戾太子以巫蠱出奔其子

遠遁斯山故世有郎山之名山內有郎山碑事具

文一作事徐水又逕郎山君子中觸鋒將軍廣南

廟前有碑晉惠帝永康元年八月十四日壬寅發
 詔錫君父子法祠其碑劉曜光初七年前潁丘太
 守郎宣北平太守陽平邑振等共修舊碑刻石樹
 頌焉徐水又逕北平縣縣界有漢熹平四年幽冀
 二州以代子以代子語有譌晚蓋是二州爭境事聞于朝故詔書令之立石標界耳
 詔書遣冀州從事王球幽州從事張琅郡縣分境
 立石標界具揭石文矣徐州當作水又東南流歷石
 門中世俗謂之龍門也其山上合下開開處高六
 丈飛水歷其間南出乘疑作壘崖傾瀾泄克家云疑作瀉注
 七丈有餘濟盪之音奇為壯猛觸石成井水深不

測素波白激濤襄四陸瞰之者驚神臨之者駭魄
 矣東南出山逕其城中有故碑是太白君碑郎山
 君之元子也其水又東流漢光武追銅馬五幡於
 北平破之順水北乘勝追北為其所敗短兵相接
 光武自投崖下遇突騎王豐於是授馬進保范陽
 順水蓋徐州之別名也徐水又東逕蒲城北又東
 逕清苑城又東南與沈水出蒲西俗謂之泉頭水
 也地理志曰北平縣有沈水東入河即是水也東
 逕其城又東南左入徐水地理志曰東至高陽入
 河今不能也徐水又東左合會曹水出西北水也

寧縣謝云據宋本作水曹河澤東南流左合岐山

之水水出岐山東逕邢安城北又東入南曹河孫云

當作又東曹水又東南逕北新城縣故城南河南

又逕北新城故城北此王莽之朔寧縣也曹水又

東入于徐水水又東南逕一故城北俗謂之祭過

城所未詳也徐水又東流入博水地理志曰徐水

出北平東至高陽入于博古本作河又東入滹地地理志

曰博水自望都東至高陽入于河孫云今曹河徐河唐河諸水並

合易水經雄縣達直沽入于海

又東北入于易

滹水又東北逕依城北世謂之依城河他說無依


城之名即古葛城也郡國志曰高陽有葛城燕以

與趙者也滹水又東北逕阿陵縣故城東王莽之

阿陸也建武二年更封岸將軍任光為侯國岸宋本作

左埤按後漢書任光為左大將軍封滹水東北至

武成侯建武二年更封光阿陵侯長城注于易水者也



水經注箋卷第十一

水經注箋卷第十二

漢 桑欽撰

後魏酈道元 注

明 李長庚訂

孫汝澄

朱謀埠箋

李克家全校

聖水 巨馬水


聖水出上谷 孫云聖水今琉璃河

故燕也秦始皇二十三年置上谷郡王隱晉書地道志曰郡在谷之頭故因以上谷名焉王莽改名朔調也水出郡之西南聖水谷東南流逕大防嶺之東首山下有石穴東北洞開高廣四五丈入穴

轉更崇深穴中有水者舊傳言昔有沙門釋惠彌者好精物隱嘗熇火尋之傍水入穴三里有餘穴分爲二穴殊小謝云宋本作穴分爲二穴殊小西北出不知趣詣一穴西南出入水逕五六日方還又不測窮深其水夏冷冬溫春秋有白魚出穴數日而返人有採捕食者美珍常味蓋亦丙穴嘉魚之流類也是水東北流入聖水聖水又東逕玉石山謂之玉石口山多珉玉燕石故以玉石名之其水伏流里餘潛源東出又東頽波瀉澗一丈有餘屈而流也

東過良鄉縣南

聖水南流歷縣西轉又南逕良鄉縣故城西王莽之廣陽也有防水注之水出縣西北大防山南而東南流逕羊頭阜下俗爲之羊頭溪其水又東南流至縣東入聖水聖水又南與樂水合水出縣西北大防南山東南流歷縣西而東南流注聖水又東過其縣故城南又東逕聚聖南蓋藉水而懷稱也又東與挾宋本作挾河合水出良鄉縣西甘泉原東谷東逕西鄉縣故城北王莽之移風也世謂之都鄉城按地理志涿郡有西鄉縣而無都鄉城蓋世傳之非也又東逕良鄉城南又東北注聖水世謂



之扶活河宋本作扶活河又名之曰非潔一作之溝也

又東過長鄉縣北

聖水自涿縣東與桃水合首受涑水於徐城東南

良鄉西分洹水世謂之南涉溝即杭水也東逕迺

縣北汝澄曰洹水當作垣水下同杭水疑作范水涿之為范陽郡蓋亦取於此迺即迺字又

東逕涿縣故城下與涿水合世以謂涿水又亦謂

之桃水出涿縣故城西南奇溝東八里大坎下數

泉同發東逕桃仁墟北或曰因水以名墟則是桃

水也或曰終仁之故居非桃水也余按地理志桃

水上承涑水此水所發不與志同謂終為是又東

北與樂堆泉合水出堆東東南流注于涿水涿水

又東北逕涿縣故城西流注于桃應劭曰涿郡故

燕漢高帝六年置其南有涿水蓋氏焉闕駟亦言

是矣今於涿城南無水以應之所有唯西南有是

水矣應劭又云涿水出上谷涿鹿縣余按涿水自

涿鹿東注濕水濕水東南逕廣陽郡與涿郡分水

漢高祖六年分燕置涿郡涿之為名當受涿水通

稱矣故郡縣氏之但物理潛通所在分發故在山

谷為涿耶水埤按十三卷注云涿水枝分入匈奴者謂之涿耶水山川阻闕

並無公注之理所在受名者皆是經隱顯相關遙


情受用以此推之事或近矣而非所安也桃水又東逕涿縣故城北王莽更名垣翰晉大始元年改曰范陽郡今郡理涿縣故城城內東北角有晉康主碑城東有范陽王司寇虓廟碑桃水又東北與洹水會水上分涑水於良鄉縣之桃水世謂之北涉溝故應劭曰垣水出良鄉東逕垣縣故城北史記音義曰河間有武垣縣涿有垣縣漢景帝中元三年封匈奴降王賜古本作勝為侯國王莽之垣翰亭矣世謂之頃城非也又東逕頃亦地名也故有頃上言世名之頃前河又東洛水注之水上承鳴澤

渚渚方一十五里漢武帝元封四年行幸鳴澤者也服虔曰澤名在迺縣北界即此澤矣西則獨樹水注之水出迺縣北山東入渚北有甘泉水注之出良鄉西山東南逕西鄉城西而南注澤渚水又東逕西鄉城南又東逕垣縣而南入垣水垣水又東逕涿縣北東流注于桃故應劭曰垣水東入桃闕駟曰至陽鄉注之今按經脉而不能屈也桃水東入陽鄉東注聖水聖水又東廣陽水注之水出小廣陽西山東逕廣陽縣故城北又東福祿水注焉水出西山東南逕廣陽縣故城南東入廣陽水

亂流東南至陽鄉縣右注聖水聖水又東南逕陽鄉城西不逕其北矣縣故涿之陽亭也地理風俗志曰涿縣東五十里有陽鄉亭後分爲縣王莽時更名章武卽長鄉縣也按太康地記涿有長鄉而無陽鄉矣聖水又東逕長興城南又東逕方城縣故城孫云方城今固安縣李牧伐燕取方城是也魏封劉放爲侯國聖水又東左會白祀溝溝水出廣陽縣之婁城東東南流左合婁城水水出平地導泉東南流右注白祀水亂流東南逕常道城西故鄉亭也西去長鄉城四十里魏少帝璜甘露三年所封也

又東南入聖水聖水又東南逕韓城東詩韓奕章曰溥彼韓城燕師所完王錫韓侯其追其貊奄受北國鄭玄曰周封韓侯居韓城爲侯伯言爲獫狁所逼稍稍東遷也王肅曰今涿郡方城縣有韓侯城世謂寒號非也聖水又東南流右會清淀水水發西淀東流注聖水謂之劉公口也

又東過安次縣南東入于海
 聖水又東逕勃海安次縣故城南漢桓帝中平二年封荊州刺史王敏爲侯國又東南流注于巨馬河而不達于海也



巨馬河出代郡廣昌縣涑山

卽涑水也有二源俱發涑山東逕廣昌縣故城南

王莽之廣屏魏封樂進爲侯國矣涑水又東北逕

西射魚城東南而東北流又逕東射魚城南又屈

逕其城東竹書紀年曰荀瑤伐中山取窮魚之丘

窮射字相類疑卽此城也所未詳矣涑水又逕三

女亭西又逕樓亭北左屬白澗溪水有二源合注

一川川石皓然望同積雪故以物色受名其水又

東北流謂之石曹水伏流地下克家云溺疑作溢則通

津委注謂之白澗口涑水又東北桑谷水注之水

南發溪北注涑水涑水又北逕小鬻東又東逕大

鬻南蓋霍原隱教授處也徐廣云原隱居廣陽山

教授數千人爲王浚所召雖千古世懸猶表二鬻

之稱旣無碑頌竟不知定誰居也瑋按晉書霍原字休明燕國廣

陽人山居積年門徒百數元康年徵賢良不到後

王浚稱制謀僭使人問之原不荅時有謠曰天子

在何許近在豆田中浚以豆爲藿收原斬之涑水又東北歷紫石溪口

謝云東北下一作又與紫水合水北出聖人城北

大豆下東南流左會疊砢溪水蓋山崩委澗積石

淪隍故溪澗受其名矣水出東北西南流注紫石

溪水紫石溪水又逕聖人城東又東南右會檐車

水水出檐石劓東南流逕聖人東南城

謝云宋本作逕聖人

城東南南流

南流注紫石水又南注于涑水涑水又東

南逕榆城南又屈逕其城東謂之榆城河涑水又

南逕藏刀山下層巖壁立直長于霄

宋本作直遠上于霄

遠

望崖側有若積刀鏐鏐相比咸悉西首涑水東逕

徐城北出焉世謂之沙溝水又東督亢溝出焉

宋本

作又東合督亢溝

一水東南流即督亢溝也一水西南出

即涑之故瀆矣水盛則長津弘注水耗則通波潛

伏重源顯於迺縣舊則川矣

東過迺縣北

涑水上承故瀆於縣北垂重源再發結為長潭潭

廣百許步長數百步左右翼帶涓流控引

疑脫一其字

水自成淵渚長川漫下十一許步東南流逕縣故

城東漢景帝中元三年以封匈奴降王隆疆為侯

國王莽更名迺屏也謂之巨馬河亦曰渠水也又

東南流袁本初遣別將崔巨業

魚豢典略作崔巨業

攻固安

下宋本作攻固安不下退還公孫瓚追擊之於巨馬水死者

六七千人即此水也又東南逕范陽縣故城北易

水注之

又東南過容城縣北


巨馬水又東酈亭溝水注之水上承督亢溝水於
 迺縣東東南流歷紫淵東余六世祖樂浪府君自
 涿之先賢鄉爰宅其陰西帶巨川東翼茲水枝流
 津通纏絡墟圃匪直田漁之贍可懷信為遊神之
 勝處也其水東南流又名之為酈亭溝其水又西
 南轉歷大利亭南入巨馬水又東逕容城縣故城
 北又東督亢溝水注之水上承涑水於涑谷引之
 則長津委注過宋本作過之則微川輟流水德舍和變
 通在我東南流逕迺縣北又東逕涿縣酈亭樓桑
 里南即劉備之舊里也璋按蜀志云先主少孤販

壤織席為業舍東南角籬

上有桑樹生高五丈遙見童童如小車蓋或謂當
 出貴人先主戲言吾必當乘此羽葆蓋車孫云樓

桑里在今涿州南十五里又東逕督亢澤澤苞方城縣縣故屬

廣陽後隸於涿郡國志曰縣有督亢亭孫暢之述
 畫有督亢地圖言燕太子丹使荆軻齎入秦秦王
 殺軻圖亦絕滅地理書上古聖賢冢地記曰督亢
 地在涿郡今故安縣南有督亢陌幽州南界也風
 俗通曰沆漭也言乎淫淫漭漭無崖際也沆澤之
 無水斥鹵之謂也其水自澤枝分東逕涿縣故城
 南又東逕漢侍中盧植墓南又東散為澤渚督亢
 澤也北屈匯宋本作注于桃水督亢水又南謂之白溝



水南逕廣陽亭西余而南枝溝

謝云宋本作而合南枝溝無余字

溝水西受巨馬河東出為枝溝又東注白溝白溝

又南入于巨馬河巨馬河又東南逕益昌縣濩澱

水右注之

孫云白溝今在新城縣南巨馬河之下流也

水上承護陂於

臨鄉縣故城西東南逕臨鄉南漢封廣陽王子須

為侯國地理記曰方城南十里有臨鄉城故縣也

城南十里淀水又東南逕益昌縣故城西南入巨

馬水巨馬水東逕益昌縣故城南漢封廣陽頃王

子嬰為侯國王莽之有秩也地理風俗記曰方城

縣東八十里有益昌城故縣也又東八丈溝水注

之水出安次縣東北平地泉東南逕安次城東東

南逕東州縣故城西又南右合零池

一作河枯溝

溝自安次西北東逕常道城東安次縣故城西晉

司空劉琨所守以拒石勒也又東南至泉州縣西

南東入八丈溝又南入巨馬河亂流東注也

原本以又

東南至又南十六字作經文以入巨馬河亂流東

注也作注文謝耳伯云宋本又東南至注也二十

又東過勃海東平舒縣北東入于海

地理志曰涑水東南至容城入于海河即濡水也

蓋升以明會矣

謝云宋本作互以明會矣

巨馬水於平舒北南

水經注卷

第十二

九

二百三十四

入于雲池一作而一作同歸于海也

水經注卷第十二

水經注卷第十二

61

